

Rom **Pol Rom bin bi kirop mij nu kil** **tikak**

Pol Rom bin bi kirop mij nu kil tikak

¹ Yad Pol. Krais Jisas wög gi ñeb bi ne midebin. God yip ag lek, Krais Jisas minim tep dad ameb bi alap midebin. God ne yip dek, God minim tep ak dad ajpin. ² Pen minim tep nibak, God birarik nep bi minim agep ne okok kirop agek, kiri God Minim ak Minim Siη ak nu kil tikil aglak rek nep gak. ³ Minim Siη nu kil tikil aglak nibak, kiri God Ni ne minim ak nep aglak. Karip lim ar wagin aul lak ak, bi nak Depid tikek, tik dam dapil gil, nop tik dolak. ⁴ Pen ne ke God, ne ke bi siη yib, ne kimil warikak ak me, kilis ke yib nibak niηil nipin, ne God Ni ne yib, Bi Kib cin Jisas Krais.

⁵ Jisas Krais yip yimig niηil di tep gak. Jisas Krais yib ne ar amnan, agil, God bi okok abe yip abe ag lil agak, nibi lim dai okok tigon tigon bin bi magilsek yib kirop Jisas minim tep ag ñem, kiri minim tep nibak niη dil, ageb rek nep ginimel, agak. ⁶ Pen nibi Rom bin bi midebim siηak, God nibep ak rek nep Jisas Krais bin bi ne ke ag lak.

⁷ Nib ak, nibep Rom kai, God, bin bi yad midelan, agil, di midmagil yib lip okok, nibep mij aul nu kil tikebin. Bapi God, Bi Kib Jisas Krais, nibep di tep gil, kod mid tep ger me, nibi kapkap mid tep ginimib.

Pol taun kɪb Rom amnin, agɪl, gos ak nɪŋak

⁸ Mɪnɪm ned agnɪg gebin ak, nɪbi Jisas Kraiss nɪŋ dɪpɪm ak, bin bɪ karɪp lɪm gol pɪs pɪs okok magɪlsek kesɪm nɪbak nɪŋɪl agel ameb. Nɪb ak, yad Jisas Kraiss nop sobok gɪl, God nop tep agebin.

⁹⁻¹⁰ Yad God Nɪ ne mɪnɪm tep ak, gos ar nokɪm ak nep nɪŋɪl kɪlɪs gɪl, ag nɪ ajɪl, God nop wɔg gebin. God ne nɪŋɪp, yad nop sobok gɪl, per nep yɪb nɪbep agebin. God ne kanɪb yɪkek, nɪbi mɪdebɪm sɪŋak am nɪŋnɪgain, agɪl, nop sobok gebin.

¹¹ Jisas mɪnɪm tep ne ognap nɪbep ag nɪen, God Kaun ne kaun nɪbep tap tep alap nɪek, kaun nɪbep nab adan kɪlɪs mɪdenɪmɪb, agɪl, nɪbi mɪdebɪm sɪŋak am nɪŋnɪm, agɪl gos ak per nɪŋebin. ¹² Pen ar nɪbak nep mer. Yad onɪgain ak, yad Jisas Kraiss nɪŋ dɪpin rek nɪŋɪl, nɪbi kaun nɪbep nab adan kɪlɪs dɪl, Jisas Kraiss nop nɪŋ dɪ kɪlɪs yɪb gɪnɪgabɪm. Pen nɪg aknɪb rek, nɪbi Jisas Kraiss nɪŋ dɪpɪm rek nɪŋɪl, yad ak rek nep kaun yad nab adan kɪlɪs dɪl, Jisas Kraiss nop nɪŋ dɪ kɪlɪs yɪb gɪnɪgain.

¹³ Ai mam sɪkop. Yad nɪbep am nɪŋnɪm, agɪl, gos ak per nɪpin ak pen kanɪb ma mɪdek. Amɪl, Jisas Kraiss mɪnɪm tep ak ag nɪen, nɪbi mɪnɪm tep ak nɪŋɪl, ageb rek nep nɪŋ dɪl, Jisas Kraiss nop nɪŋ dem, ne nɪbep tɪg asɪk yoknɪmɪŋ, ag gos nɪpin. Lɪm dai ke ke okok, bin bɪ ognap nab kɪrop okok gɪnek rek, am nab nɪbep sɪŋak ak rek nep gɪpnep.

¹⁴ Pen Jisas Kraiss yɪp dɪ komɪŋ yokak ak me, yad gos nɪpin yad tap dai mɪdeb. Yad bin bɪ okok mɪnɪm tep ne ak ag nɪnɪm. Grik bin bɪ okok abe, Grik bin bɪ mer okok abe, bin bɪ nɪu

kil nɪpal okok abe, bin bɪ ñu kil ma nɪpal okok abe, kɪrop magɪsek mɪnɪm tep ne ak ag ñɪnɪm, agɪl, gos ar ak nɪpin. ¹⁵ Nɪb ak me, yad nɪbi taun kɪb Rom mɪdebɪm sɪŋak ak rek nep, am Jisas mɪnɪm tep ak nɪbep ag ñɪnɪm, agɪl, gos nokɪm ak nep nɪpin. ¹⁶ Jisas Kraiss mɪnɪm tep ne ak God kilɪs sek ageb ak me, bin bɪ mɪnɪm nɪbak nɪŋ denɪgal ak, mɪnɪm tep nɪbak kɪrop tɪg asɪk yoknɪgab; Juda bin bɪ okok abe, Juda bin bɪ mer okok abe, kɪrop magɪsek tɪg asɪk yoknɪgab. Nɪb ak, yad Jisas mɪnɪm tep ne ak gos nɪŋɪl, gos sek nep mɪdebin. ¹⁷ Jisas mɪnɪm tep ak nɪŋɪl nɪpɪn, God ne titi gɪl bin bɪ tap si tap tɪmel gɪpal okok kɪrop bin bɪ tep yad, agnɪgab. Bin bɪ okok kɪri gɪ tep gɪpal ak nɪŋɪl, God kɪrop bin bɪ komɪŋ tep yad, ma agnɪgab; kɪri Jisas mɪnɪm tep ak nɪŋ dɪpal ak nɪŋɪl, kɪrop bin bɪ komɪŋ tep yad, agnɪgab. Ar nɪbak nep, God Mɪnɪm ñu kil tɪkil aglak, “Bin bɪ God Mɪnɪm ageb rek nɪŋ dɪnɪgal okok, God kɪrop bin bɪ tep yad, agek, kɪri komɪŋ yɪb mɪdenɪgal,” agak.

Bin bɪ Jisas Kraiss nop ma nɪŋ dɪnɪgal okok mɪnɪm kɪb nɪŋnɪgal

¹⁸ Bin bɪ God Mɪnɪm nɪŋɪd nɪplap ak pen bin bɪ ognap God nop gos ma nɪŋɪl, gɪ tɪmel gɪl, God Mɪnɪm nɪŋɪd ak pak karɪkpal. Nɪb ak me, God ne kal juɪl, kɪrop mɪnɪm kɪb agnɪg geb. ¹⁹ God ne tɪgep Bɪ rek mɪdeb ak, ne ke mɪsɛŋ lek nɪpal. ²⁰ Ne bɪrarɪk ped okok lɪm dai aul gɪ lak ñɪn ak tɪkek, ne God kilɪs sek yɪb per per mɪdeb ak mɪsɛŋ mɪdek nɪpal. God ne tap tari tari gɪ lak okok nep nɪŋɪl, ne tɪgep Bɪ rek mɪdeb ak nɪplap. Ma nɪŋenɪgal ak,

tap kiri. ²¹ Nib ak, God nop nipal ak pen nop tep agil, yib nop ak agel ar ma amib. Gos abramek niñil, saköl ñagil, kislím gip okok rek midebal. ²² Cín bin bi gos tep niñobin, apal ak pen kiri bin bi saköl rek midebal. ²³ God per mideb ak nop saköl gil, tap yokop ognap dil, bin bi rek gi lil, kimin yakir rek gi lil, soin sarau rek gi lil, tap nib okok, god cin, agil, sobok gipal. ²⁴ Nig gel, God kirop kirig gek, kiri gos timel yib niñil, bin si bi si gil, nag timel ar nibak amil, mib gon kiri ke gi timel gipal.

²⁵ God Minim niñid ak kirig gil, minim esek niñ dipal. God tap gi lak okok nep sobok gil, ne tap gi lak okok nep yib agel ar amib. Pen God ne tap magilsek gi lak ak, yib nop nep agel ar ambkop. Yib nop nep per per nep agon ar amnan. Nib aknib rek tep.

²⁶ Kiri nig gilig gi timel yib gelak ak me, God kirop kirig gek, tap nabiñ yib gip ar ak nep gi midebal. Bin okok, bi yipid gil di midep rek kirig gil, bin ognap eip nag timel ar ognap gipal. ²⁷ Bi okok ak rek nep, bin yipid gil di midep rek kirig gil, bi alap bi alap nop niñek mab rek yinek, bi okok mib gon kirop ke nep gi timel yib gipal. Nig gil pen yur dipal.

²⁸ Kisen God minim ma niñnigabin, agil, gos niñlak ak me, God kirop kirig gek, tap timel tap ma gep kirop midmagil pilis gi ñeb okok nep gipal. ²⁹ Pen kirop tap timel gep ar ak gos nokim ak nep lek, kiri timel yib nep gilig gi, tap okok cin nep miden, agil, gos ak niñlig gi, abramek gi timel gilig gi, gipal. Bin bi tap tep kiri okok

cin rek ma lip, agil, gos timel niñil, cip ñagil, pen pen gil, esek agil, gos timel nep nipal. Pen, nep agip yip agip, agil, ³⁰ bin bi ag juil, God nop milik kal niñil, bin bi ag sikol gil, cin nep bin bi kib ag gos niñlan, agil, yib kiri ak ke dap ranbal. Gos kisen nib ar ognap niñil gi timel gin, agil, gos kiri nibak nep nipal. Nonim nap minim apal ak tib jupal. ³¹ Kiri gos timid ma lip. Minim ke ag lipal ar ak kisen ma gipal. Ni pai amilgon apilgon kiri ke okok midmagil ma lipal. Bin bi ognap kirop niñel, yimig ma gip. ³² Gipal nibak, God mer agek yur kib dep ak nipal ak pen kiri ke gil aka bin bi ognap eip gil, ak gi tep gipin, agil apal.

2

God minim kib agil, minim yipid gil nep tig biloknigab

¹ Pen nibi bin bi ognap kirop ag juil agnigabim, “Bin bi okok tari ginig tap si tap timel gipal,” agnigabim ak pen nibi ke ak rek nep gipim ak me, God niñil nibep minim kib agenigab ak, nibi abe minim pen agnimib rek ma linigab. ² Cin nipin, God ne minim niñid nep ageb. Nib ak, bin bi nig aknib rek ginigal okok, kirop minim kib agnigab ak, minim yipid gil nep agnigab. ³ Bin bi tap si tap timel gipal okok, agil, ag junigabim ak pen nibi ke ak rek nep gipim. Nib ak, nibi gos tari nipim? God cinop minim kib ma agnigab, agil nipim ar? ⁴ God bi tep, nibep bin bi per yimig yib niñil, kapkap sain tik damil, kasek kal ma gip ak niñem, ne bi yokop alap rek lip ar? Pen niñim! Ne kapkap sain tik mideb ak, yad

kasek kal ma juenigain, k̄iri tap si tap t̄imel ḡipal okok, tari ḡin̄ig n̄ig ḡip̄n, aḡil, k̄ir̄ig ḡin̄imel, aḡil, kapkap sain t̄ik m̄ideb. ⁵ Pen God kapkap sain t̄ik m̄id̄il kasek kal ma ḡip̄ ak, n̄ibi tap si tap t̄imel ḡip̄m ak, tari ḡin̄ig n̄ig ḡip̄n, aḡil, ma k̄ir̄ig ḡip̄m. N̄ibi m̄in̄im ne yo n̄īj̄l, tap si tap t̄imel ḡip̄m okok nep ḡil̄ig ḡi m̄ideb̄m. N̄ib ak, God bin b̄i ḡipal ḡipal rek n̄īj̄l, m̄in̄im k̄ib aḡn̄igab ñ̄in ak, n̄ibi m̄in̄im k̄ib ȳib n̄īj̄n̄igab̄m. Ñ̄in n̄ibak, ne m̄in̄im k̄ib aḡil, ȳip̄id ḡil nep aḡn̄igab ak, m̄isēj̄ n̄īj̄n̄igal. Tap si tap t̄imel ḡip̄m ak, ne n̄īj̄l kal jūil n̄ibep yur pen ñ̄in̄igab. ⁶ “Bin b̄i nok̄im nok̄im ḡipal ḡipal rek n̄īj̄l, God k̄irop ak rek nep nok̄im nok̄im pen ñ̄in̄igab.”

⁷ Ñ̄in n̄ibak bin b̄i an an, God c̄inop mel̄ik tep ne ñ̄il, m̄in̄im tep aḡil, kom̄īj̄ per m̄idep maḡil ak ñ̄in̄igab, aḡil, bin b̄i ognap k̄irop per per ḡi tep ḡipal okok, God k̄irop kom̄īj̄ per m̄idep maḡil ak ñ̄in̄igab. ⁸ Pen bin b̄i an an, tap m̄ib gon̄ k̄iri ke nep gos n̄īj̄l, nag tep ar n̄ibak yo n̄īj̄l, nag t̄imel ar ak gel am̄n̄igab okok, God k̄irop n̄ījek m̄il̄ik ȳib yapek, kal jūil, yur k̄ib ȳib ñ̄in̄igab.

⁹ Pen Juda bin b̄i okok abe, Juda bin b̄i mer okok abe, nag t̄imel ar ak gel am̄en̄igab ak, God k̄irop m̄in̄im k̄ib agek, k̄iri maḡil̄sek koslam m̄id̄l̄ig ḡi, gos par ȳib n̄īj̄l̄ig ḡi, ḡi m̄iden̄igal. ¹⁰ Pen Juda bin b̄i okok abe, Juda bin b̄i mer okok abe, ḡi tep gen̄igal ak, God k̄irop maḡil̄sek mel̄ik tep ne ñ̄il, m̄in̄im tep aḡil, d̄i tep gek, m̄id tep ḡin̄igal. ¹¹ Tari ḡin̄ig: God ne p̄is k̄id aka p̄is k̄id ma am̄n̄igab. Ȳip̄id ḡil nep n̄īj̄l, bin b̄i okok k̄irop t̄ig as̄ik ke ke l̄in̄igab.

¹² Juda bin bɪ mer okok, lo Mosɪs agak ma nɪpal okok, tap si tap tɪmel genɪgal ak, lo mɪnɪm ma nɪpal ak pen kɪri karɪp lɪm tɪmel amnɪgal. Pen bin bɪ lo Mosɪs agak nɪpal okok, tap si tap tɪmel genɪgal ak, God lo mɪnɪm nɪbak dɪl, kɪrop mɪnɪm kɪb agnɪgab. ¹³ Bin bɪ lo mɪnɪm nɪpal okok, God kɪrop, bin bɪ tep yad, agɪl ma agnɪgab. Bin bɪ lo mɪnɪm ageb rek nep gɪnɪgal okok nep, God kɪrop, bin bɪ tep yad, agnɪgab. ¹⁴ Juda bin bɪ mer okok lo Mosɪs agak ma nɪpal. Pen kɪri gos kɪri ke nɪɲɪl, lo mɪnɪm ageb rek genɪgal ak, gos magɪl kɪri ke lo rek mɪdeb. ¹⁵ Kɪri nɪg gɪl gos nɪɲɪl gɪpal ak me, cɪn nɪɲɪl nɪpɪn, lo mɪnɪm ak nab kɪri adan mɪdeb. Nɪn ognap gɪ damɪl, nab kɪri eyaɲ, “Gɪ tɪmel gobɪn,” agɪl nɪpal. Pen nɪn ognap gɪ damɪl, nab kɪri eyaɲ, “Gɪ tep gobɪn,” agɪl nɪpal.

¹⁶ Jisas Krais mɪnɪm tep ag nɪ aɲpin ak ageb, mɪnɪm kɪb agep nɪn ak, God Jisas Krais nop agek, bin bɪ tap si tap tɪmel we gɪl gɪpal okok ag yɪk mɪseɲ lek, ne gos won kɪri ke mɪdmagɪl nab kɪri adan tari tari agɪp ak nɪɲɪl, kɪrop mɪnɪm kɪb agnɪgab.

God ne lo mɪnɪm cɪnop nɪak ak me, cɪn Juda kai bin bɪ ne ke yɪb mɪdobɪn, aglak

¹⁷ Pen nɪbi Juda bin bɪ okok, yɪb nɪbi ke dap ranɪg gɪ apɪm, “God ne lo mɪnɪm cɪnop nɪak ak me, bin bɪ ne ke yɪb mɪdobɪn. ¹⁸ Cɪn lo mɪnɪm nɪpɪn ak me, nag ar nɪbak tep, nag ar nɪbak tɪmel, ag gos nɪɲɪl, God nop tep gɪp ar ak nep gɪpɪn,” apɪm. ¹⁹ Pen mɪnɪm ar alap apɪm, “Bin bɪ ma nɪpal okok kɪrop ag nɪ tep gɪl, bin bɪ udɪn kwoi gek kɪslɪm gɪp rek mɪdebal okok kɪrop ag nɪ tep

gɪl, ²⁰ bin bɪ lo mɪnɪm ma nɪpal okok kɪrop ag ñɪ tep gɪl, ñɪ pai sɪkol okok kɪrop ag ñɪ tep gɪl gɪpɪn,” apɪm. Apɪm nɪbak, apɪm, “God ne lo mɪnɪm cɪnop ñak ak me, gos tep magɪlsek abe, gos nɪɲɪd magɪlsek abe bɪr nɪpɪn,” apɪm.

²¹ Nɪbi lo mɪnɪm ak nɪɲɪl, bin bɪ okok kɪrop ag ñɪbɪm ak pen mɪnɪm bin bɪ okok ag ñɪbɪm rek nɪbi ke ma gɪpɪm. Bin bɪ ognap kɪrop apɪm, “Tap si ma dɪnɪmɪb,” apɪm ak pen nɪbi ke tap si dɪpɪm aka? ²² Bin bɪ ognap kɪrop apɪm, “Bin si bɪ si ma gɪnɪmɪb,” apɪm ak pen nɪbi ke nɪg gɪpɪm aka? Bin bɪ ognap kɪrop apɪm, “Tap abramek okok God rek ma sobok gɪnɪmɪb,” apɪm ak pen karɪp sobok gɪpal mɪgan nɪb okok amɪl, tap dap lɪpal okok ognap si dɪpɪm aka?

²³ Yɪb nɪbi ak ke dap ran lɪl apɪm, “God lo ak cɪnop Juda bin bɪ ñak,” apɪm ak pen mɪnɪm ne ak tɪb jupɪm rek, yɪb ne ak rek nep ag jupɪm aka?

²⁴ Gɪ tɪmel gɪpɪm nɪbak, bɪ alap ned God Mɪnɪm ñu kɪl tɪkɪl agak rek nep gɪpɪm. Ne agak,

“Nɪbi Juda bin bɪ, God lo mɪnɪm nɪpɪn apɪm ak pen nɪbi ke mɪd tep ma gɪpɪm rek,

Juda bin bɪ mer okok,

God nop ag jupal,” agak.

²⁵ Nɪbi Juda kai, God bin bɪ ne mɪdojɪn, agɪl, ñɪ okok tɪk dapɪl, per per waɲ wak tɪb gɪ rɪk gɪpɪm. Pen lo mɪnɪm ne ak tɪb juɪl, ke nɪɲnɪgabɪm rek gɪnɪgabɪm ak, bin bɪ yokop ñɪ waɲ wak tɪb gɪ rɪk ma gɪpal rek ak mɪdenɪgabɪm. ²⁶ Nɪb aknɪb rek, bin bɪ sɪɲok Juda mer ñɪ wak tɪb gɪ rɪk ma gɪpal okok, lo mɪnɪm ageb rek genɪgal ak, God kɪrop bin bɪ ñɪ wak tɪb gɪ rɪk gɪpal ak rek nɪɲnɪgabɪ.

27 Juda bin bi mer, ni wak tib gi rik ma gipal okok, lo minim ageb rek gipal. Pen nabi Juda kai, Mosi's lo nu kil tikak ak dil, ni wak tib gi rik gipim ak pen lo minim tib jupim ak me, nibep minim kib midenigab.

28 Cin bin bi ognap apin, bin bi ni wak tib gi rik gipal okok nep Juda bin bi yipid gil, apin ak pen ak minim niid ma apin. Bin bi an an kiri Juda bin bi yipid gil midebal? Mib gon nep niil, Juda bin bi aka Juda bin bi mer, agil, ma agnigabin. 29 Juda bin bi yipid gil okok, nab kiri adan niil agnigabin, bi nibaul ne Juda nib yipid gil, agnigabin. Cin midmagil ne ak wak tib gi rik gi mideb niil, bi ak bi Juda yipid gil, bin ak bin Juda yipid gil, agnigabin. Lo Mosi's nu kil tikak lo ak gek, midmagil kirop sijak wak ma tib gi riknigab; God Kaun ne nep midmagil kirop sijak wak tib gi riknigab. Bin bi midmagil kiri aknib rek mideb okok, bin bi okok kirop niel yib ma mideb, pen God nijek yib mideb.

3

God ageb rek nep geb

1 Nib agebin ak, bi alap agnigab, "Juda bin bi mer, wak tib gi rik ma gipal rek midobnop tep gipkop," agnigab ak pen ar nibak ma agebin.

2 Juda bin bi midobin ak tep yib midobin. Minim yad ke bin bi ognap kirop ag nilan, agil, God cinop Juda bin bi nep minim tep ne nak. 3 Pen Juda bin bi ognap nised sikop minim kilis aglak rek ma gilak. Nig gilak ak, God minim kilis kirop agak ak kirig ginigab aka? 4 Mer yib, ma kirig

giniḡab. Bin bi okok magiḡsek ñin ognap esek agniḡal, pen God ne bi niḡid yib agil, ageb rek nep giniḡab. Miniḡm niḡbak rek God Miniḡm ak ñu kil tikil aglak,

“God, nak miniḡm yipid giḡal nep apan ak,
 nep miniḡm ognap pen agniḡmel rek ma lip.
 Nep miniḡm kib agenigal ak,
 miniḡm wagiḡn alap ma mideniḡab,” agak.

⁵ “Cin per per giḡ timel geniḡabiḡn ak, bin bi ognap niḡil, God per per giḡ tep giḡp ak miḡseḡ niḡniḡal. Niḡbak ak, God cinop kal giḡal miniḡm kib agniḡgeb ak tep ma giḡp,” agniḡabiḡn aka? (Pen miniḡm niḡbak, bin bi niḡil apal rek nep agebin.)

⁶ Mer yib! God bin bi magiḡsek miniḡm kib agniḡgab ak, piḡs kid aka piḡs kid ma amniḡgab; yipid giḡal ar ak nep agniḡgab.

⁷ Pen niḡbi ognap agniḡgabim, “Cin per per esek ar ognap geniḡabiḡn ak, bin bi ognap niḡil, God per per niḡid nep ageb ak miḡseḡ niḡil, Bi melik sek yib mideb, agil, yib ne agel ar amniḡgab. Niḡbak ak, tari giniḡ God cinop bin bi tap si tap timel giḡpim, agil, miniḡm kib agil, yur kib ñiniḡgab?” agniḡgabim. ⁸ Miniḡm esek niḡbak rek agil agniḡgabim, “Tap si tap timel ak nep gon gon, God cinop yimiḡ yib niḡil, tap si tap timel ke ke koḡai yib giniḡabiḡn niḡbak niḡil kiriḡ giniḡgab ak, bin bi okok niḡil, ne bi tep akniḡ ke agil yib ne agel ar amniḡgab,” agniḡgabim. Pen bin bi ognap yip ke agjuḡil, Pol miniḡm niḡbak rek agip, apal. Pen yad miniḡm niḡbak rek ma apin! Esek apal rek, God niḡil, kiroḡp miniḡm kib agil, pen yur kib ñiniḡgab.

Bin bi tep ma midobiḡn

⁹ Nib ak, tari agin? God nihek, cin Juda bin bi okok mid tep gipin; Juda bin bi mer okok mid tep ma gipal, agin aka? Mer! Midarik nep me apin rek, cin bin bi magilsek, Juda bin bi okok abe, Juda bin bi mer okok abe, tap si tap timel nag ar nibak cinop kilis gi lip gi dad amnig geb.

¹⁰ Minim nibak rek, God Minim ak nu kil tikil aglak,

“Bin bi per gi tep gipal rek ognap ma midebal.

¹¹ Bin bi, nag ar nibak tep,

nag ar nibak timel, agil nipal okok ognap ma midebal.

Bin bi, ‘God pis ar amil,

nop eip midojin,’ ag nipal okok ognap ma midebal.

¹² Bin bi okok magilsek God nop kirig gil,

bin bi timel rek midil,

tap si tap timel nep gipal.

Kiri magilsek aknib rek nep gipal.

¹³⁻¹⁴ Aleb kiri ak adik madik gil,

per esek yib nep apal.

Tigu migam kiri ak, cip kimek pirau ni tep ma gel, ki timel owip ak rek mideb.

Bin bi ognap kiropp nigel milik yapek, ag juil,

minim timel apal ak, toi timel kodal rek midebal.

¹⁵ Kal timel yib juil,

bin bi okok kiropp yur nil,

ñag pak lin, agil,

gos ak nep niñil,

¹⁶ bin bi okok kiropp per gi timel gel,

gos par yib nep nipal.

¹⁷ Bin bi okok eip midil,

kapkap mid tep ginimel rek ma lip.

¹⁸ God B+ Kib niŋ mideb, agil,
ma p+rikpal,” aglak.

¹⁹ God lo minim nibak cinop Juda bin bi nep ñak ak me, minim nibak magilsek cinop Juda bin bi ageb. Nib ak, God minim kib agnigab ñin ak, bin bi karip lim tigon tigon magilsek minim pen alap agnimel rek ma linigab; kiri magilsek minim midenigab. ²⁰ Nib ak, bi alap lo minim ageb rek genigab ak, God bi nibak nop, bi komiŋ tep yad, ma agnigab. Pen God lo minim ageb rek niŋil, cin tap si tap timel gipin, agil niŋnigabin.

Bin bi Kraiss nop niŋ dipal okok nep, kiropp bin bi asin ma mideb tep yad, agnigab

²¹⁻²² Pen miŋi Mosiŋ abe, bi God minim agep bi okok abe, nig ginigab, agil, ñu kil tikil aglak rek, Jisas Kraiss cinop nen agil kimak ak me, nop niŋ don, God cinop agnigab, “Nibi bin bi komiŋ tep yad,” agnigab. Pen cin Juda bin bi okok abe, Juda bin bi mer okok abe, lo ar ak nep niŋil gon, nig ma agnigab.

²³ Cin bin bi magilsek tap si tap timel gipin rek, God melik magil tep ne ñib dijin rek ma lip ak pen ²⁴ God cinop yimig niŋil, Kraiss Jisas ag yokek apil cinop tau adik dip ak me, God cinop bin bi tep yad agnigab.

²⁵ Yad titi gen, bin bi tap si tap timel gipal okok kiropp bin bi tep yad, agnigain ak niŋnimele, agil, God ne Kraiss Jisas nop tap sobok gep rek lim dai wagin aul ag yokak. God ne bin bi tap si tap timel ned gilak okok, minim kib agil, kal juil, yur pen ñil, pis nep ñag pak lipkop ak pen ne kapkap sain

tik m̄d̄il, n̄ig ma gak. Pen m̄ñi Krai Jisas ne ap̄il, bin b̄i tap si tap t̄imel ḡipal okok maḡlsek m̄ib gon ne ke d̄il yur k̄ib d̄il k̄imak. N̄ib ak me, bin b̄i an an, Jisas lakañ ne tap si tap t̄imel c̄inop lig ḡi yok̄ip, aḡil, Jisas nop n̄iñ den̄igal bin b̄i okok, God k̄irop n̄iñil kal jūil yur pen alap ma ñ̄in̄igab. ²⁶ Yad titi gen, bin b̄i tap si tap t̄imel ḡipal okok k̄irop bin b̄i tep yad, agn̄igain ak n̄iñ̄imel, aḡil, God ne n̄ig gak. M̄in̄im k̄ib aḡil, tap si tap t̄imel ḡipal rek pen yur ak rek nep ñ̄in̄igain, agak ak me, ne agak rek nep ḡil, Krai Jisas nop tap sobok gep rek ag yokek, bin b̄i nop n̄iñ den̄igal okok k̄irop bin b̄i tep yad agn̄igab.

²⁷ N̄ib ak, lo ar ak gon, God c̄inop bin b̄i tep yad aḡil dek, bin b̄i ne m̄idob̄in, aḡil, ȳib c̄in ke agon ar amn̄im̄iñ rek ma l̄ip. Jisas c̄inop nen aḡil k̄imak m̄in̄im tep ak n̄iñ d̄il me, God bin b̄i ne m̄idob̄in. ²⁸ N̄ib ak, bin b̄i okok lo m̄in̄im ageb rek ḡipal, aḡil, God k̄irop bin b̄i tep yad ma agn̄igab. Bin b̄i Krai Jisas gak m̄in̄im tep ak n̄iñ d̄ipal, aḡil me, God k̄irop bin b̄i tep yad agn̄igab.

²⁹ God ne c̄in Juda bin b̄i, God c̄in nep mer; ne Juda bin b̄i mer okok God k̄iri abe m̄ideb. ³⁰ Tari ḡin̄ig: God ne nok̄im ak me, bin b̄i ñ̄i wak t̄ib ḡi r̄ik ḡipal okok abe, bin b̄i wak t̄ib ḡi r̄ik ma ḡipal okok abe, k̄iri kan̄ib nok̄im ak nep amel, God k̄irop bin b̄i tep yad agn̄igab. N̄ib ak, k̄iri maḡlsek Krai Jisas gak m̄in̄im tep n̄ibak nep n̄iñ d̄in̄imel.

³¹ Pen c̄in Jisas m̄in̄im tep ak n̄iñ don, God c̄inop bin b̄i tep yad agn̄igab, agebin ak, lo m̄in̄im okok k̄ir̄ig ḡin̄igab̄in, aḡil ma agebin, mer. Bin b̄i Jisas m̄in̄im tep ak n̄iñ d̄in̄igal okok, k̄iri m̄in̄im

tep nɪbak ageb rek nep gel, lo mɪnɪm ak am kɪlɪs gɪnɪgab.

4

God Ebrahim nop bɪ tep yad agak

¹ Cɪn Juda bin bɪ, based acɪk cɪn wagɪn gɪl tɪkek, tɪk amɪl apɪl gɪl tɪkel mɪdobɪn okok, based cɪn ak me Ebrahim. Pen God Ebrahim nop dak ak, titi gɪl Ebrahim dak? ² Ebrahim ne ke tap tep alap gek, God nak bɪ tep yad, apkop, Ebrahim bɪ okok agɪl “Yad bɪ tep,” apkop. Pen God nɪnɪp Ebrahim yɪb ne ke dap raneb wagɪn alap ma mɪdek. ³ Pen ti gɪnɪg Ebrahim yɪb ne ke ma dap ranbkop? God Mɪnɪm ageb, “Ebrahim ne God mɪnɪm agak ak nɪnɪ dak ak me, God nop ‘Nak bɪ tep yad,’ agak.”

⁴ Bɪ alap wög gɪl pe dɪl, mani nɪbaul yokop dɪpin ma agnɪgab; wög genek pen ak mani aul dɪpin agnɪgab.

⁵ Pen bin bɪ, cɪn God nop kɪlɪs cɪn ke wög genɪgabɪn, ne cɪnop bin bɪ tep yad agnɪgab, ag gos nɪnɪgal okok, God kɪrop bin bɪ tep yad ma agnɪgab. Pen bin bɪ, tap si tap tɪmel gɪpɪn ak pen God tap si tap tɪmel gɪpɪn nɪbak yokop kɪrɪg gɪl, cɪnop bin bɪ tep yad agnɪgab nɪpal okok, kɪrop bin bɪ tep yad agnɪgab.

⁶ Mɪnɪm agebin aul rek, Depid ak rek nep bɪrarɪk nep God Mɪnɪm ak ñu kɪl tɪkɪl, bin bɪ tap tep alap ma gɪnɪgal pen God kɪrop bin bɪ tep yad agnɪgab okok mɪñ mɪñ gɪnɪgal, agak. Ne agak,

⁷ “Bin bɪ tap si tap tɪmel gɪpal okok,

God tap si tap tɪmel kɪrɪ gɪpal okok nɪnɪl kɪrɪg gɪnɪgab rek,

tep gek niŋlig gi midenigal.
 Bin bi tap si tap timel gipal okok,
 God tap si tap timel kiri gipal okok minim
 kib ma agnigab rek,
 miñ miñ gilig gi midenigal.

⁸ Bin bi tap si tap timel gipal okok,
 Bi Kib tap si tap timel kirop lig gi yoknigab
 rek,
 miñ miñ gilig gi midenigal,” agak.

⁹ Depid miñ miñ gep magil agak ak, bin bi ni wak tib gi rik gipal okok nep minim ak dinigal? Mer yib! Bin bi ni wak tib gi rik ma gipal okok abe dinigal. God Minim nu kil tikil aglak dai nibak miñi nep agesin: “Ebrahim ne God minim agak ak niŋ dak ak me, God nop, ‘Nak bi tep yad,’ agak.”

¹⁰ Based acik cin Ebrahim, wak tib gi rik ma gak nin ak, God minim agak ak niŋ dek, God nop, “Nak bi tep yad,” agak. ¹¹ “Ebrahim minim yad niŋ dak ak me, yad, ‘Nak bi tep yad,’ apin ak, bin bi okok niŋlan,” agil, kisen God agek, Ebrahim wak tib gi rikak. God nig gak ak nipin. Nib ak, bin bi ni wak tib gi rik ma gil, God Minim niŋ del, kirop, “Bin bi tep yad,” agnigab bin bi okok, Ebrahim nised acik kiri mideb.

¹² Pen bin bi ni wak tib gi rik gil, Ebrahim wak tib gi rik ma gak nin ak God minim ne niŋ dak rek nep niŋ dipal bin bi okok, Ebrahim nised acik kiri ak rek nep mideb.

¹³ Pen Ebrahim lo ar okok niŋil gek, God nop, “Nak bi tep yad,” agil ma dak. Ebrahim ne God minim agak ak niŋ dak ak me, God nop, “Nak bi tep yad,” agil, minim kilis niŋid agil, Ebrahim

abe ñi pai ne nib okok abe kirop agak, “Nibi kariþ lim wagin aul tigon tigon magilsek dinigabim,” agak.

¹⁴⁻¹⁵ God minim kilis niñid agak ak, bin bi lo ar ak niñil gipal okok apkop, God minim kilis niñid agak nibak tap yokop rek lipkop. Tari ginig: bin bi lo ar ak kisen gil, God bin bi ne midonigabin agil nipal bin bi okok, kiri magilsek lo minim ognap tib junigal niñil God kal juil, minim kib agil, pen yur ñinigab. God minim kilis niñid agak ak, bin bi lo ar ak niñil gipal okok apkop, God minim agak niñ dipal ak tap yokop rek lipkop. Ti ginig: bin bi God minim agak niñ dipal okok niñ tep ma gil, sidol ginigal. God minim kilis niñid Ebrahim nop agak ak ma dinigal.

¹⁶ Nib ak, cin nipin, God ginigain, agil, minim kilis niñid ag lak nibak, bin bi God minim agak niñ dinigal okok kirop nep agak. Nib ak, God gos ne ke bin bi yimig niñil, yokop di tep ginigab ak me, Ebrahim ñi pai ne okok magilsek God minim kilis niñid agak ak rek dinimel. Bin bi God ne kirop lo minim ñak okok abe, bin bi Ebrahim rek wak tib gi rik ma gil God minim niñ dak rek niñ dipal okok abe, kiri magilsek God minim kilis niñid agak ak nep dinimel. Ebrahim ne based acik cin magilsek mideb me ak. ¹⁷ God Minim ak ñu kil tikil aglak, “God Ebrahim nop agak, ‘Yad gen, bin bi wagin ke ke konai nep midebal okok, nep based acik cin, agnigal,’ agak,” aglak. Nib ak, God udin yirik ar ne ak, cin bin bi wagin ke ke okok nib nop niñ dipin okok magilsek based acik Ebrahim ñi pai ne yib midobin. God ne bin bi

kimbal okok gek, kiri warikpal. God ne nep gek, tap ned ma midoligip ak mñi misen lip.

Ebrahim God nop niñ dak rek nep gin

¹⁸ Pen Ebrahim miplep yib lil, ñi pai tikn+mij rek ma lek, God nop agak, “Nak wagin gek, bin bi ñi pai nak kisen midenigal okok, wagin ke ke konjai yib midenigabim,” agak. Nib agek Ebrahim, God minim niñid ageb, agil, gos sek midil me, agak rek nep me, bin bi ñi pai ne wagin ke ke konjai yib nep midebal.

¹⁹ Pen Ebrahim niñak, mib gon kiri ber mal mosik bir gi mosik yowak. Ebrahim mi ne man ñin juil aknib mamid alañ (100) amnak ak me, ñi pai tikep rek ma lak. Bin ne Sera ak rek nep miplep yib lek, ñi pai tikep rek ma lak. Pen ne God minim nop agak ak niñ di kilis gi damil, gos sek midek. ²⁰⁻²¹ God ne Ebrahim nop minim kilis niñid agak ak, Ebrahim gos omal ma niñak; ne pis nep niñ dak. God Bi kilis sek, minim kilis niñid agak rek nep ginigab, agil, God minim agak ak niñ dilig gi midek rek, gos won ne ak kilis ognap sek dil, ne God minim agak ak di kilis yib gil, God yib nop ak agek ar amnak. ²² Ebrahim gak nibak, God Minim ak ñu kil tikil aglak, “Ebrahim ne God minim agak ak niñ dak ak me, God nop, ‘Nak bi tep yad,’ agak,” aglak. ²³ “God nop, ‘Nak bi tep yad,’ agak,” minim ñu kil tiklak nibak, Ebrahim nop nep ñu kil ma tiklak. ²⁴ Cinop abe, niñnimel agil, ñu kil tiklak. God ne gek, Bi Kib cin Jisas warikak nibak niñ dipin ak me, ne cinop abe bin bi tep yad agnigab. ²⁵ Pen tap si tap timel gil asin midonok rek, God cinop

yimig niñil, Ñi ne Jisas Krai nop ag yokek apil, “Kiri tap si tap timel gipal nibak God niñil kirig ginimij,” agil, kimak. Pen Jisas kimil, God gek, kauyan warikak rek, asij kib gac cinop ulik gak nibak komij linimij rek lip.

5

God nop niñ denigabin ak, cinop bin bi asik masik ma middeb agnigab

¹⁻² Pen God cinop yimig niñil gak nibak niñ dipin ak me, cinop bin bi asik masik ma middeb agil, dip. Nib ak, Bi Kib cin Jisas Krai ne gek, cin God eip jim ñil midil, kapkap mid tep gipin. Pen karij lim cinop ag lip ak amil, God melik tep ne ak niñil, nop eip midenigabin, agil, tep gek niñlig gi midobin.

³ Miker apek, koslam midobin ak, miñ miñ gilig gi midobin. Tari ginig: miker apek, koslam midenigabin ak, cin kilis gil, Jisas Krai cig tep gil, ma kirig ginigabin. ⁴ Cin kilis gil, Jisas Krai cig tep gil, gi dam dam, cin bin bi gos magil kilis sek midenigabin. Pen gos magil kilis sek midenigabin ak, cin gos sek midenigabin. ⁵ Pen nig gil gos sek midenigabin ak, yokop ma midenigabin. Tari ginig: God ne Kaun Sij ak cinop ñil cinop midmagil yib lipir.

⁶ Pen cin bin bi lim dai ar wagin aul midobin okok, tap si tap timel gi damil gac sek midonok, God eip jim ñil midojin rek ma lak. Cin kanib ameb alap ma middek. Pen God ne ag lak ñin ak nep, Krai cinop bin bi timel nen agil kimak. ⁷ Per bin bi ognap, bi tep alap nop niñil, “Yad nop nen

agil kimen, ne komiŋ amnaŋ,” agil ma kimnigal. Pen ñin nokim nokim ognap bi alap bi tep yib alap rek niŋil, “Yad nop nen agil kimen, ne komiŋ amnaŋ,” agil kimnigab aka ma nipin. ⁸ Pen cin tap si tap timel gi midonok ñin nibak nep, Kraiŋ cinop nen agil kimak. Nib ak, cin nipin, God cinop midmagil yib lip.

⁹ Kraiŋ ne cinop nen agil kimek, lakañ ne yapek, God cinop bin bi tep yadagak. Nib ak me, cin nipin, God kal juil minim kib agnigab ñin ak, Kraiŋ ne cinop di komiŋ yoknigab. ¹⁰ God kauwal mauwal ne midonok ñin ak me, Ñi ne kimil, cinop Nap eip di jim ñak. Miñi Nap eip jim ñil midobin ak me, Ñi ne warikil komiŋ mideb ak, cinop niŋid nep di komiŋ yoknigab! ¹¹ Pen nibak nep mer. Cin God eip jim ñil midobin rek, Bi Kib cin Jisas Kraiŋ ne nep gek, God eip jim ñil midobin, agil, yib kirop apil mal dap ranlig gi, tep gek niŋlig gi midobin.

Adam yakam ne kimbāl pen Jisas yakam ne komiŋ per midep magil dipal

¹² Pen tap si tap timel gil kimeb wagin ak, Adam nep wagin gil gek me, asiŋ ne nibak bin bi tik lep ne okok magilsek kimbāl. Tari ginig: God niŋek, Adam gak nibak, cin bin bi tik lep ne okok magilsek nig ginok. Ñin nibak cinop ma tik dolak ak pen cin eip ginok.

¹³ God Mosiŋ nop lo minim ñak ar ak, tap si tap timel gep gos ak lim dai ar wagin aul ned midek. Pen lo ma midek ñin ak, God tap si tap timel gilak ak niŋil, kisen pen ñinigal, agil, gos ma niŋ midek. ¹⁴ Pen Adam wagin gil gi timel

gek, asiŋ ne nɪbak bin bɪ okok kɪrop ulɪk gek, magɪlsek kɪm dap dap, Mosɪs lo mɪnɪm ag ñak ñɪn ak owak. Adam God mɪnɪm nop agak ak tɪb juak rek, bin bɪ ognap ma tɪb julak ak pen Adam kɪmak rek magɪlsek kɪmlak. Adam ne Bɪ kɪsen onɪg gek Bɪ ak rek.

¹⁵ Adam gɪ tɪmel gak ak ke; Jisas Kraɪs tap tep ñak ak ke. Adam tap si tap tɪmel gek, bin bɪ magɪlsek kɪmbal. Pen Jisas Kraɪs bin bɪ yɪmɪg nɪŋɪl kɪmak rek, God bin bɪ okok magɪlsek yɪmɪg yɪb nɪŋɪl, dɪ tep gɪl, tap tep yɪb ñɪb.

¹⁶ Bɪ nokɪm nɪbak tap si tap tɪmel gak ak ke; God tap tep ñɪb ak ke. Adam tap si tap tɪmel nokɪm nɪbak gak ak, God nɪŋɪl mɪnɪm kɪb agɪl, nak kɪmnɪgan agak. Pen Adam ñɪ pai ne tap si tap tɪmel gɪ dam dam, Jisas Kraɪs tap tep yokop ñek, God, “Bin bɪ okok magɪlsek per per komɪŋ mɪdenɪmel rek lɪp,” agak.

¹⁷ Ned bɪ nokɪm alap tap si tap tɪmel gek, asiŋ kɪlɪs tɪmel yɪb nɪbak cɪnop magɪlsek ulɪk gak. Pen kɪsen, nɪg ar nɪb aknɪb rek mer, God bin bɪ yɪmɪg yɪb nɪŋɪl dɪ tep yɪb gek, bin bɪ asiŋ ma mɪdeb agnɪgab okok, bɪ nokɪm Jisas Kraɪs gek, kɪri komɪŋ mɪdɪl ne eip tep gek nɪŋlɪg gɪ mɪdenɪgal.

¹⁸ Adam tap si tap tɪmel magɪl nokɪm alap nep gek, asiŋ nɪbak bin bɪ magɪlsek ulɪk gek, God mɪnɪm kɪb agɪl, “Bin bɪ magɪlsek kɪmnɪgal,” agak. Pen Jisas Kraɪs ñɪn nokɪm alap nep tap tep yɪb gek, God bin bɪ magɪlsek kɪrop bin bɪ tep yad, agɪl, komɪŋ mɪdep magɪl ak ñɪnɪmɪŋ rek lɪp. ¹⁹ Bɪ nokɪm alap God mɪnɪm agak ak tɪb juak rek, God nɪŋek, cɪn bin bɪ magɪlsek tap si tap tɪmel gɪnok.

Ñin n̄bak c̄nop ma t̄ik dolak ak pen c̄n eip ḡinok. N̄b akn̄b rek nep, b̄i nok̄im alap God m̄n̄m agak rek n̄ñ̄l k̄mek, God bin b̄i maḡlsek k̄rop bin b̄i yad agn̄m̄ñ̄ rek l̄p.

²⁰ Bin b̄i ned tap si tap t̄imel ḡi m̄idel̄ḡipal; God ne lo m̄n̄m k̄isen ñ̄ak. God lo m̄n̄m ñ̄ak ak, bin b̄i, lo m̄n̄m t̄ib jūl tap si tap t̄imel ḡipal ak n̄ñ̄n̄mel, aḡl, lo m̄n̄m ñ̄ak. N̄b ak, tap si tap t̄imel ḡilak okok koñ̄ai ȳb nep gel amnak. Pen God bin b̄i tap si tap t̄imel ḡilak okok k̄rop ȳm̄g ȳb n̄ñ̄l, d̄i tep ȳb gak.

²¹ N̄b ak, tap si tap t̄imel as̄ñ̄ n̄bak k̄l̄is ȳb ḡl, bin b̄i maḡlsek ul̄k gek, c̄p k̄imbal rek m̄idelak. Pen God n̄ḡ ḡl bin b̄i okok k̄rop ȳm̄g ȳb n̄ñ̄l, d̄i tep ȳb ḡl, bin b̄i tep yad, aḡl, kom̄ñ̄ per m̄idep n̄bak ñ̄ñ̄ḡab. B̄i K̄ib c̄n Jisas Kraiss ne ḡi tep gak ak me, God n̄ḡ ḡin̄ḡab.

6

Jisas eip p̄is nep k̄imnok aḡl, tap si tap t̄imel gep gos ar ak ma n̄ñ̄j̄n

¹ God c̄nop ȳm̄g n̄ñ̄p n̄bak, bin b̄i ognap agn̄gal, “Tap si tap t̄imel abramek ḡil̄ḡ ḡi m̄don m̄don, God c̄nop ned n̄ñ̄l d̄i tep ḡip rek mer, k̄isen c̄nop ȳm̄g ȳb n̄ñ̄l d̄i tep ȳb ḡin̄ḡab,” agn̄gal. ² Pen m̄n̄m esek n̄ḡ rek ma aḡin! C̄n tap si tap t̄imel gep nag ar ak, c̄n b̄ir k̄imnok. N̄b ak, m̄dmaḡl c̄n p̄l̄is gek, tap si tap t̄imel ḡij̄n rek ma l̄p. ³ N̄bi n̄p̄m, c̄n bin b̄i Kraiss Jisas eip j̄m ñ̄l m̄doj̄n aḡl ñ̄ñ̄ḡ paknok okok, “Ne k̄imak rek j̄m ñ̄l k̄imb̄n,” aḡl, ñ̄ñ̄ḡ paknok. ⁴ C̄n ñ̄ñ̄ḡ paknok ak, Kraiss Jisas eip c̄p t̄igel m̄igan yap̄l

kimnok rek lip. Tari ginig: Krais ne kimek, kab migan ak tigel gilak pen Nap kilis ke yib ne ak gek, warikil komiη mideb rek, cin aknib rek cip tigel migan rek midobin ak warikil, komiη kisen nib ar ak midojin rek lip.

⁵ Krais eip jim nil kimnok ak me, ne kauyan warikil komiη mideb rek, kisen cin ak rek nep warikil komiη midenigabin. ⁶ God ne gos niηak, tap si tap timel gep nag ak pis nep tib gi rik gek, kisen bin bi okok kirop miñ wög gep bi rek, kanib timel ak di lip gi ma dad amniη, ag gos niηak. Nib ak me, nag ar timel goligipin ak, Krais eip mab bak alar ñag pak lel kimak. ⁷ Pen tari, bin bi pis nep kimbak okok, tap si tap timel gep magil ak midmagil kiri pilis gek ginimel rek ma lip.

⁸ Cin nipin, Krais eip kimnok ak me, ne eip komiη midenigabin. ⁹ Cin nipin, Nap ne gek Krais warikak rek, ne kauyan ma kimnigab. Miñi kimeb won ak Krais nop tap alar ginimigab rek ma lip. ¹⁰ Krais ne ñin nokim alar nep kimak ak pen tap si tap timel gep kilis ak pis nep kir gip. Krais kauyan warikil, am God eip midebir.

¹¹ Nib ak me, Krais Jisas eip ulik gil, tap si tap timel gep ar ak pis nep kimil, warikil God eip komiη midobin, agil gos niηnimib. ¹² Tap si tap timel gep won ak, nibep ñon gi lip gi dam, bi miñ wög gep rek midil, tap si tap timel gim, agnigab. Pen nibi mer agnimb. ¹³ Pen gos timel nibi ak, mib gon ñin tob nibep dai alar, tap si tap timel ginimigab, agil, lip gi gonimigab rek, nibi mib gon nibi dai dai okok magilsek pis nep mer agnimb. Jisas eip kimil warikpin ak me, gos midmagil

tımıd cın God nop ñıl, mıb gon dai okok God nop ñıl, ne ageb rek nep gın, agıl nıñnımıb.

¹⁴ Ned lo mınım ar ak nıñıl gın, ag gos ak nıpek ak pen tap si tap tımel gep gos ak nep lek, nıg gölıgıpım. Pen mıñı ar nıbak rek ma mıdebım. God nıbep yımıg nıñıl dek, Krais bin bı ne mıdebım ak, nop cıg gıl, tap si tap tımel gıpım okok kırıg gınıgabım.

Nag asıñ ma mıdeb tep ar ak nep amjın

¹⁵ Pen God lo mınım ar ak gon, God nıñıl cınop ma dınıgab; ne ke cınop yımıg nıñıl, Krais nop ag yokek apıl, cınop nen agıl kımak rek, dınıgab. Nıb ak, tap si tap tımel nep gı mıdojın aka? Mer yıb! Nıg ma gın. ¹⁶ Nıbi nıpım, nıbi bı kıb alap nop, cın bı mıñ wög gep nak mıdııl, wög tarı agnıgan gınıgabın, agenıgabım ak, nıbi bı kıb nıbak mok ne okok mıdebım. Nıbi tap si tap tımel gep nop mıñ wög gep bı rek mıdenıgabım ak, tap si tap tımel gep mok okok mıdııl kımınıgabım. Pen nıbi God mınım ageb mıñ wög gep bı rek mıdenıgabım ak, God mınım ageb mok okok mıdem, ne nıbep bin bı tep yad agnıgab.

¹⁷ Ned nıbep tap si tap tımel gep gos ak nep lek, bin bı mıñ wög gep rek mıdııl, ar nıbak nep gölıgıpım. Pen kısen, Jısas mınım tep ak nıñıl, pıs nep nıñ dıpım. Nıg gıpım ak, yad God nop tep agebin. ¹⁸ God ne gek, nıbi tap si tap tımel mok okok mıdııl, an dıl, God mıñ wög gep bin bı rek mıdııl, ne ageb rek gı tep gıpım. ¹⁹ Pen nıbi ke kılıs ma mıdebım rek, mınım agnıg gebın aul,

yad m̄isenj nep agen n̄iŋ tep ḡin̄imel, aḡil, m̄isenj nep agn̄igain.

Ned n̄ibi gos t̄imel ȳib n̄iŋil, m̄iñ w̄ög gep bin b̄i rek m̄id̄il, m̄ib goŋ ñ̄in tob n̄ibi okok tap si tap t̄imel ȳib ḡi dam̄il, ḡi t̄imel ȳib nep göliḡip̄im. Pen m̄iñi gos tep ȳib n̄iŋil, m̄iñ w̄ög gep bin b̄i rek m̄id̄il, m̄ib goŋ ñ̄in tob n̄ibi okok God m̄in̄im ageb rek nep ḡi dam̄il, kom̄iŋ tep nep m̄iden̄igab̄im. ²⁰ Ned tap si tap t̄imel gep m̄iñ w̄ög gep bin b̄i rek m̄idel̄iḡip̄im ak, God m̄in̄im ageb ar ak n̄ibep kod m̄idek, mok ne okok ma m̄idel̄iḡip̄im. ²¹ Pen ned ḡi t̄imel göliḡip̄im n̄ibak, m̄iñi n̄iŋil agn̄igab̄im, “Per n̄ig ḡi t̄imel gol̄iḡip̄in ak, nab̄iŋ ḡip. N̄ig ḡil tap tep alap ma d̄ip̄in,” agn̄igab̄im. Bin b̄i n̄ig ḡipal okok k̄imn̄ig gebal.

²² Pen m̄iñi God ne gek, n̄ibi tap si tap t̄imel mok okok m̄id̄il, aŋ d̄il, God m̄iñ w̄ög gep bin b̄i rek m̄id̄il, God n̄iŋek tep ḡin̄igab ar ak nep ḡil, kom̄iŋ per m̄idep maḡil ak d̄in̄igab̄im. ²³ Tap si tap t̄imel gep ar ak ḡi dam̄il, saj d̄il k̄imn̄igab̄in; pen B̄i K̄ib c̄in Jisas Krais eip j̄im ñ̄il m̄iden̄igab̄in ak, God c̄inop kom̄iŋ per m̄idep maḡil ak yokop ñ̄in̄igab.

7

Krais m̄ib goŋ ne m̄ideb̄im rek, ne eip k̄imbek

¹ N̄ibi ai mam lo m̄in̄im n̄ip̄im okok. N̄ibi n̄ip̄im, bin b̄i kom̄iŋ m̄idebal okok nep lo m̄in̄im k̄isen ḡin̄igal; k̄imen̄igal, m̄iker k̄irop ognap ma m̄iden̄igab.

² M̄in̄im alap bak okok rek alap m̄ideb. Lo m̄in̄im alap aḡip, b̄i ne m̄iden̄igab, bin ne n̄iḡm̄il eip m̄iden̄im̄iŋ; pen n̄iḡm̄il k̄imn̄igab ak, lo

nibak kir ginigab. ³ Bin ak nigmil midek niηlig gi, am bi kisen nib alap niηil denigab ak, nop agnigal, “Lo minim tib juil, nak bi si dep bin,” agnigal. Pen nigmil kimek, am bi kisen nib niηil denigab ak, minim ma mideb. “Lo minim tib juil, nak bi si dep bin,” agil, ma agnigal.

⁴ Pen ai mam sikop. Nib aknib rek nep, nibi Kraiss mib gon ne midebim okok, ne eip kimbek rek, lo minim di cici loligipim ak kirig gipek niηil Bi alap nibep dinigab. Bi siηak kimil warikak Bi ak nibep dek, nibi God nop tep ginimij ar ak nep ginigabim.

⁵ Ned pen Kraiss cinop ma dak nin ak, tap si tap timel gep won ak cinop di cici loligip. Lo minim ar ak nep kisen gin, ag midoligipin ak pen gos timel nab cin adan pag yikek, mab silek nib kimeb magil ak misen lek, mid tep ma goligipin. God eip midojin rek ma lak. ⁶ Pen mifi Kraiss eip kimbim rek, lo minim cinop nag rek lil di cici loligip ak pak ulek lil me, Juda lo minim nu kil tiklak ar ak niηil ma gipin; God Kaun gos neb ar ak nep niηil gipin.

Lo mideb rek, tap si tap timel gipin ak misen nipin

⁷ Nib ak, cin tari agin? God lo minim agek aglak ak, minim timel ageb, agjin aka? Mer yib! Aknib rek ma agin.

Lo ma midobkop, yad tap si tap timel titi rek mideb ak ma nipnep. Lo minim ar alap nu kil tikil aglak, “Bin bi ognap tap kiri okok tap yad rek midebkop, agil, gos ak ma niηnimib,” aglak. Nib ak me, yad nipin, bin bi ognap tap kiri okok tap

yad rek m̄debkop, ag gos n̄ñen̄gain ak, tap si tap t̄imel ḡin̄gain. ⁸ N̄ib ak, yad gos n̄ipin, k̄isen yad tap si tap t̄imel ḡil, bin b̄i ognap tap k̄iri okok tap yad rek m̄debkop, ag gos ak ma n̄ñn̄gain. Yad n̄ibḡil gos n̄ñöl̄ḡipin ak pen dai tap si tap t̄imel gep won ak am gos t̄im̄id yad l̄ip ḡi dad amek, bin b̄i ognap tap k̄iri okok kon̄ai ȳib nep tap yad rek m̄debkop, ag gos ak nep n̄ñnek. Pen lo m̄in̄im ma m̄idobkop, tap si tap t̄imel gep maḡil k̄il̄is ma m̄idobkop, b̄i b̄ir k̄im̄ib rek m̄idobkop.

⁹ Lo m̄in̄im, ak ḡin̄im̄in, ak ma ḡin̄im̄in, ageb ak, yad ned ma n̄ñöl̄ḡipin. Yad n̄iḡ ḡil kom̄iñ m̄idenek. Pen lo m̄in̄im ak apek, tap si tap t̄imel gep maḡil ak, b̄i kom̄iñ m̄ideb rek l̄il, k̄il̄is d̄il ȳip l̄ip ḡi dad amek, k̄im̄nek. ¹⁰ God lo m̄in̄im ñak ak, c̄inop kan̄ib per m̄idep ak yobkop pen ȳip k̄imeb maḡil nep ñak. ¹¹ N̄ib ak, yad gos n̄ipin, k̄isen yad tap si tap t̄imel ḡil, bin b̄i ognap tap k̄iri okok tap yad rek m̄debkop, ag gos ak ma n̄ñn̄gain. Yad n̄ibḡil gos n̄ñöl̄ḡipin ak pen, dai tap si tap t̄imel gep maḡil ak am gos t̄im̄id yad l̄ip ḡi dad amek, bin b̄i ognap tap k̄iri okok tap yad rek m̄debkop, ag gos n̄ñnek. Tap si tap t̄imel gep maḡil ak, God lo m̄in̄im agak ak nep d̄il, ȳip ñag pak lak.

¹² N̄ib ak, c̄in n̄ip̄in, God lo m̄in̄im ak s̄iñ m̄ideb. C̄in n̄ip̄in, “Bin b̄i ognap tap k̄iri okok tap yad rek m̄idobkop, ag gos ak ma n̄ñn̄im̄ib,” lo m̄in̄im n̄ibak, God ne ke m̄in̄im k̄il̄is agak ak, s̄iñ nep, ȳip̄id ḡil nep, tep nep m̄ideb. ¹³ God lo tep n̄ibak ȳip ñag pak lek k̄im̄nek aka tari? Ak mer! God lo m̄in̄im tep ak agek n̄ip̄in rek, m̄iker k̄ib n̄ibak ma d̄in̄igab̄in. Tap si tap t̄imel ḡip̄in

rek, miker kib nibak dinigabin. Pen ne cinop lo minim agak nibak, gos alap ke niñil ma agak; tap si tap timel gep magil ak gac kib yib mideb ak niñimel, agil, lo minim agak. Nib ak, God lo minim ak agel nipin rek, ma kimnek; tap si tap timel gep magil ak, lo minim tep nibak dil, yip ñag pak lek kimnek.

Tap ma gin ag gos nipin tap okok nep gipin

¹⁴ Cin nipin, lo minim ak, God gos ñek ñu kil tiklak. Nibak pen yad bi nep midebin; yad miñ wög gep bi rek midil, cibur gos timid yad ak per ameb tap si tap timel gep miñ ar ak. ¹⁵ Nib ak me, tap tep ginim, ag gos nipin ar ak ma gipin; yad tap si tap timel gep miñ ar ak, yad magil nibak mlík kal nipin ak, yad nig ma ginim, ag gos nipin ar ak nep gipin. Pen tari ginig nig gipin ak ma nipin. ¹⁶ Yad gi timel ma ginim, ag gos nipin ar ak nep gipin rek, yad nipin, gos magil yad abe God lo minim ak abe adip adip rek mideb.

¹⁷ Miñi yad ke tap timel ma gipin ak me. Yad ke timel ginim, agil, ma gipin; tap si tap timel gep magil ak gos cibur midmagil yad nab adanj mideb ak nep gip. ¹⁸ Yad nipin, yad bi nep midebin rek, midmagil acir nab yad adanj mid tep ma gip. Gos cibur midmagil yad gos tep ñek, tap tep alap ma ginigain. Gos magil yad ak, gi tep ginim agil nipin ak pen yad ginim rek ma lip. ¹⁹ Nig gek me, gi tep ginim, ag gos nipin ar ak ma gipin; gi timel ma ginim, ag gos nipin ar ak nep per gen ameb. ²⁰ Nib ak, yad gi timel ma ginim, ag gos nipin ar ak nep gipin rek, yad ke tap timel ma gipin. Tap

si tap t̄imel gep maḡil ak gos c̄ibur m̄idmaḡil yad nab adañ m̄ideb ak nep gek gek geb n̄iḥil ḡipin.

²¹ N̄ib ak, yad n̄ipin, yad ḡi tep ḡin̄im ag gos n̄ipin ak pen per ḡi t̄imel ḡin̄im rek lip. ²²⁻²³ Gos yad ak God lo ñak ak m̄iñ m̄iñ ȳib ḡipin ak pen gos c̄ibur m̄idmaḡil yad nab adañ akn̄ib ke ḡil, gos maḡil yad ak eip pen pen gek, tap si tap t̄imel gep maḡil ak m̄ib goḥ yad nab okok m̄id̄il, ȳip d̄i c̄ic̄i lek, yad b̄i naḡiman rek m̄idebin.

²⁴ Yad m̄iñ m̄iñ ma ḡipin; b̄i ȳim gep rek m̄idebin. Gos c̄ibur m̄idmaḡil yad ak ȳip ñag pak lin̄ig geb; b̄i an ȳip d̄i kom̄iḥ yokn̄igab? ²⁵ B̄i K̄ib c̄in Jisas Krai nep! God nop tep agebin!

Pen m̄in̄im agebin aul, n̄ig ḡil m̄ideb: gos yad ak God nop m̄iñ w̄ög gep b̄i rek m̄idebin ak pen m̄idmaḡil ac̄ir nab yad adañ s̄iḥak, tap si tap t̄imel gep maḡil ak m̄iñ w̄ög gep b̄i rek m̄idebin.

8

God Kaun c̄in eip m̄iden̄igab ak, c̄in tigeḥ bin b̄i rek m̄iden̄igab̄in

¹⁻² Pen c̄in Krai Jisas eip j̄im ñil m̄idob̄in ak, Krai Jisas ne k̄imek, God Kaun kom̄iḥ maḡil ñib ak ne c̄inop d̄i kom̄iḥ yokek, c̄in m̄iñi tap si tap t̄imel gep maḡil ak abe, k̄imeb maḡil ak abe, k̄itrop m̄iñ w̄ög gep bin b̄i rek ma m̄idob̄in. N̄ib ak, God c̄inop m̄in̄im k̄ib ma agn̄igab. ³ Pen bin b̄i tep ma m̄idob̄in rek, God lo ar ak ḡi dam̄il, m̄id tep ḡij̄in rek ma lek, God Ñ̄i ne ke ak ag yokek, b̄i ȳib m̄ib goḥ c̄ibur m̄idmaḡil c̄in akn̄ib rek l̄il, owak. Ne k̄im̄il tap si tap t̄imel gep maḡil ak p̄is nep ḡi ke yokañ, aḡil, God ne Ñ̄i ne ke tap sobok

gep rek yokil, tap si tap timel gep magil ak bin bi midmagil acir nab kiri adan mideb ak, minim kib agil, dai juip agak. ⁴ God nig gak ak, cin gos timel midmagil acir nab cin eyan nib owip ar ak kirig gil, God Kaun gos neeb ar ak gi damil, lo minim yad ageb rek gi tep ginimel, ag gos ninil gak.

⁵ Bin bi gos timel midmagil acir nab kiri eyan nib apek, ar nibak nep gel ameb okok, cibur midmagil kiri tari gos gip ar ak nep gos nipal. Pen bin bi God Kaun kirop gos neek gel ameb okok, God Kaun tari gos gip ar ak nep gos nipal. ⁶ Bin bi cibur midmagil kiri tari gos gip ar ak nep gos nipal okok, ar nibak nep tap si tap timel gil kimmigal. Pen bin bi God Kaun nop tep ginigab ar ak nep gos nipal okok, ar nibak nep gi tep gil, God eip jim nil kominj midil, mid tep ginigal.

⁷ Bin bi cibur midmagil kiri tari gos gip ar ak nep gos nipal okok, gos magil kiri God nop kausal maual rek mideb. Gos magil kiri God lo ne ma ninip; God lo ne nininiminj rek ma lip. ⁸ Bin bi gos timel midmagil acir nab kiri eyan nib apek, ar nibak gel ameb bin bi okok, God nop tep giniminj ar ak ginimel rek ma lip.

⁹ Pen nibi bin bi God Kaun nibep nab adan mideb okok, gos timel midmagil acir nab nibi eyan nib apek, ar nibak ma gipim; God Kaun nibep gos neeb ar ak nep gipim. Bin bi Krais Kaun ne kirop nab adan ma mideb okok, Krais bin bi ne ma midebal. ¹⁰ Krais ne nab nibep adan midenigab ak, tap si tap timel gep magil ak gek, mib gon nibi kimmigab; pen Jisas kimek

God nɪbep nɪŋek, bin bɪ tep rek mɪdebɪm ak rek, Kaun ne gek, kaun nɪbi komɪŋ mɪdenɪgab. ¹¹ God ne gek Jisas warɪkak ak, Kaun ne nɪbep nab adan mɪdeb ak me, God nokɪm nɪbak nep nɪbep ak rek nep gek, Kaun ne nɪbep nab adan mɪdeb ak ne mɪb goŋ nɪbep komɪŋ mɪdep magɪl ñɪnɪgab.

¹² Nɪb ak, ai mam sɪkop, cɪn dai alap mɪdeb. Gos tɪmel mɪdmagɪl acɪr nab cɪn adan pɪlɪs gɪ ñek ar nɪbak gɪl, dai nɪbak ma ñɪnɪgabɪn. ¹³ Ar nɪbak gem amek, kɪmnɪg gebɪm. Pen God Kaun ak nɪbep gɪ ñek nɪŋlɪg gɪ, nɪbi tap si tap tɪmel gɪpɪm nɪbak pɪs nep kɪrɪg genɪgabɪm ak, God eip komɪŋ mɪdenɪgabɪm.

¹⁴ God Kaun gos ñek nɪŋlɪg gɪ aɪpal bin bɪ okok, God ñɪ pai ne mɪdebal. ¹⁵⁻¹⁶ Kaun nɪbi dɪpɪm ak, nɪbep lɪp gɪ dad amek, nɪbi ned pɪrɪkɔlɪgɪpɪm rek kauyan pɪrɪkɪl, mɪñ wɔg gep bin bɪ rek ma mɪdenɪgabɪm. Kaun nɪbi dɪpɪm ak, ne gek, God ñɪ pai ne mɪdebɪm. Nɪb ak nɪŋɪl cɪn nop “Aba! Bapi!” apɪn.

¹⁷ Ñɪ pai ne mɪdobɪn ak me, tap tep tari tari ñɪ pai ne ñɪnɪgab ak, cɪn dɪnɪgabɪn. Pen Krais nop ag juɪl gɪ tɪmel gɪlak rek, cɪnop ak rek nep gɪ tɪmel gel, ma pɪrɪknɪgabɪn ak, God Krais nop dɪ tep gak rek, cɪnop ak rek nep dɪ tep gɪnɪgab.

Kɪsen mɪd tep gɪnɪgabɪn

¹⁸ Gos yad nɪpin, cɪn Krais nop cɪg mɪdɪl, mɪker ognap gek, koslam mɪdenɪgabɪn ak, ak tap sɪkol. Kɪsen God ne tap tep yɪb cɪnop ñek, ne eip mɪd tep gɪnɪgabɪn ak, ak tap kɪb.

¹⁹ God tap tari tari gɪ lak okok magɪlsek mɪñ mɪd tep gɪnɪmɪŋ rek ma lɪp. Tap okok magɪlsek

kod m̄dek, God ne ñi pai ne m̄senj d̄n̄gab ñin ak nep, ne gek, tap n̄b okok kauyanj m̄d tep ḡn̄gab. ²⁰⁻²¹ Ḡp n̄bak, God b̄rar̄k nep n̄jebir ḡn̄gab agak rek nep ḡp. Pen God b̄rar̄k ped okok n̄ñak, ñi pai yad m̄senj d̄n̄gain ñin ak, yad gen, ñi pai yad m̄ñ m̄ñ ḡl m̄d tep ȳb ḡn̄gal rek, tap maḡlsek ḡ l̄nek okok ak rek nep, ma p̄yam ḡ yap̄l, m̄ñ m̄ñ ḡl m̄d tep ȳb ḡn̄gab.

Pen tap ḡ lak n̄b okok, ned m̄d tep ma ḡn̄gab. Pen c̄nop gek, ñi pai ne ke ȳb m̄d̄l ne eip m̄d tep ḡn̄gab̄n ñin ak nep me, kauyanj gek tap n̄b okok m̄d tep ḡn̄gab.

²² C̄n n̄p̄n, tap God ḡ lak n̄b okok maḡlsek m̄d tep ḡn̄g geb ak pen b̄rar̄k nep m̄ker gek, bin ñi pai t̄kn̄g gel yur ḡp rek ak gol̄ḡp. ²³ Pen c̄n abe m̄ker n̄bak m̄deb. K̄sen k̄rop p̄s nep d̄n̄gain, aḡl, God ne Kaun ak ned nep ag yokek ap̄l c̄nop nab adanj m̄deb ak, pen ñin akal rek c̄nop ñi pai ne ke ȳp̄d ḡl ȳb m̄senj dek, c̄n m̄b goñ k̄sen n̄b ulek l̄n, aḡl, m̄dmaḡl c̄n nab adanj m̄ker n̄bak gek n̄ñl̄g ḡ, l̄m dai ar waḡn aul kod m̄dob̄n.

²⁴ God tap k̄sen m̄senj l̄n̄gab agak m̄n̄m ak n̄ñ don, c̄nop dak. Pen tap tari tari k̄sen m̄senj l̄n̄gab ak maḡlsek b̄r n̄pnop, m̄ñi gos sek m̄d̄l ñin k̄sen ak ma kod m̄dob̄nop. Tap b̄r n̄pal ak ma kod m̄den̄gal. ²⁵ Pen, tap k̄sen m̄senj l̄n̄gab, ag gos ak n̄ñl̄ me, ȳr̄k gek n̄ñl̄g ḡ ma kod m̄dob̄n; gos sek kod m̄dob̄n.

²⁶ Bin b̄ k̄l̄s ma m̄dob̄n rek, Kaun c̄nop ḡ ñl̄g ḡ m̄deb. C̄n God nop sobok ḡn̄ ageb̄n ak pen titi ḡl God nop sobok ḡn̄gab̄n ak ma n̄p̄n. Pen Kaun c̄nop tau sak l̄l, God nop sobok ḡl̄g

gi m̄ideb. M̄in̄im bin b̄i n̄iḡeb rek mer; kadkad m̄in̄im l̄il sobok giḡig gi m̄ideb. ²⁷ God pen gos c̄in maḡilsek n̄iḡip; ne Kaun gos ne ak abe n̄iḡip. Kaun ne c̄inop Kraiḡ Jisas bin b̄i ne m̄iker d̄il, God nop agek, ageb rek giḡigab. Kaun ne God nop sobok giḡig gi m̄ideb ak, God giḡim, ag gos n̄iḡip ar ak nep sobok giḡig gi m̄ideb.

²⁸ C̄in n̄ip̄in, God nop m̄idmaḡil lip̄in bin b̄i okok, God ne c̄inop kod m̄idek n̄iḡig gi, tap ognap ke ma giḡigab; m̄id tep giḡigab̄in ar ak nep c̄inop giḡigab. God ne b̄irar̄ik ped okok gos n̄iḡil agak rek, c̄inop, “N̄ibi ȳip on̄im̄ib,” agak. ²⁹ Pen ar n̄ibak nep, God bin b̄i ned n̄iḡak okok, “Yad gen, k̄iri Ñ̄i yad m̄ideb rek l̄il, n̄inai n̄imam k̄isen ne koḡai ȳib m̄iden̄igal,” agak. ³⁰ N̄ib ak, bin b̄i Ñ̄i yad rek m̄iden̄igal, agak bin b̄i okok, k̄irop, “Ȳip on̄im̄ib,” agak. Bin b̄i, ȳip on̄im̄ib, agak bin b̄i okok, k̄irop bin b̄i asiḡ ma m̄ideb agak. Bin b̄i k̄irop asiḡ ma m̄ideb agak okok, Ñ̄i yad mel̄ik tep sek m̄ideb rek, k̄iri ak rek nep m̄iden̄igal, agak.

Krais c̄inop m̄idmaḡil l̄il kod m̄id tep giḡip

³¹ Pen God ne c̄inop n̄ig giḡ d̄i tep giḡip ak, b̄i an c̄inop gi timel giḡigab? B̄i alap c̄inop gi timel giḡim̄iḡ rek ma lip̄, mer ȳib! ³² God ne ma p̄ir̄ik̄il, Ñ̄i ne ke ak c̄inop nen aḡil ag yokek ap̄il k̄imak ak tap k̄ib ȳib. Pen God c̄inop n̄ig gak ak me, ne c̄inop d̄i tep giḡ, tap tep tep nep c̄inop ak rek nep ñ̄iḡigab. ³³ Pen God ne c̄inop ag lip̄ rek, b̄i an c̄inop m̄in̄im k̄ib aḡiḡigab? God ne ke gek asiḡ ma m̄ideb rek m̄idob̄in ak, m̄in̄im ma m̄ideb, agak. ³⁴ N̄ib ak, b̄i an c̄inop m̄in̄im k̄ib aḡiḡigab? B̄i alap

nib agnimin rek ma lip. Krais Jisas cinop nen agil, kimil warikil, am God ñinmagil yipid pis ken ar ne midil, cinop nen agil, Nap nop sobok gilig gi mideb.

³⁵ Krais cinop midmagil yib lip ak me, bi an nop mer agil cinop tig asik ke linigab? Tap alap ke misen lil, cinop tig asik ke linimin rek ma lip. Cinop miker ognap ginigab aka,

koslam midenigabin aka,

yuan kib lenigab aka,

walij ma midenigab aka,

gos par ninigabin aka

bi ognap cinop, Krais eip midebal, agil,

cinop gi timel ginigal aka,

ñag pak linigal aka,

tap tari ginigab,

Krais eip jim ñil nep midonigabin.

³⁶ Minim nibak rek God Minim ñu kil tikil aglak, “Nep eip midobin rek, per cinop ninil,

kaj sipsip rek ñag pak lin, ag gos nipal,”
aglak.

³⁷ Nib ak, kimeb rek nab ak midobin ak pen cin bi cinop midmagil lil kimak ak Krais eip midil, tep gek ninlig gi nep midil, tap nib okok ma piriknigabin. ³⁸ Ar nibak yad nipin, kimnigabin aka komin midenigabin, God cinop midmagil li nep midenigab ninil tap alap cinop tig asik ke linimin rek ma lip. God ejol ne okok, tap kilis sek

seb kab ar alaj mideb okok, tap kal timel okok, tap miñi mideb okok, tap kisen midenigab okok,

³⁹ tap ar okpel mideb okok, tap mok okpi mideb okok, tap tari tari mideb okok magilsek, tap alap cinop tig asik ke linimin rek ma lip. Bi Kib cin

Krais Jisas m̄ideb rek, God c̄inop m̄idmaḡil l̄il̄ig ḡi nep m̄iden̄igab.

9

God gos ne ke n̄iḡil Isrel kai k̄irop d̄in̄ig gak

¹ M̄in̄im agebin n̄ibaul, yad Krais b̄i ne m̄idebin rek, esek ma agebin. Kaun S̄iḡ ak gos maḡil yad ageb, m̄in̄im ageban n̄ibak m̄in̄im n̄iḡid ageban, ageb. ²⁻³ Pen ai mam s̄ikop. Isrel bin b̄i ognap Krais nop ma d̄ipal okok k̄isen m̄in̄im k̄ib n̄iḡil yur k̄ib d̄in̄igal ak, ȳip ȳim̄ig ȳib ḡip. N̄ib ak, yad gos par ȳib n̄ipin. M̄idmaḡil yad per yur k̄ib ȳib ḡip. Yad n̄iḡid nep agebin, kan̄ib m̄idobkop, yad ai mam yad okok k̄irop nen aḡil yur den, k̄iri pen kom̄iḡ amblap.

⁴ Pen tari: God Isrel kai nep k̄iri ñ̄i pai yad m̄idelan̄, aḡil, mel̄ik tep ne k̄irop nep yom̄il, yad n̄ibep akn̄ib ḡin̄igain, aḡil, m̄in̄im kil̄is n̄iḡid k̄irop nep aḡ ñ̄il, lo m̄in̄im ne ak k̄irop nep aḡ ñ̄il, k̄iri titi ḡil God sobok gep kar̄ip ak ȳip̄id ḡil sobok ḡin̄imel m̄in̄im ak k̄irop nep aḡ ñ̄il, yad titi ḡil bin b̄i k̄irop d̄i tep ḡin̄im, m̄in̄im tep ak k̄irop nep aḡ ñ̄ak. ⁵ Isrel bin b̄i n̄ised ac̄ik k̄iri Ebrahim, Aisak, Jekop b̄i okok me. Ebrahim, Aisak, Jekop ñ̄i pai t̄ikel, t̄ik dam dap̄il ḡi dam̄il, Isrel bin b̄i k̄irop t̄ik dolak. K̄iḡin nok̄im ak nep t̄ik dam dap̄il ḡi dam̄il, Krais nop b̄i ȳib t̄ik dolak. Krais ne ke God m̄id̄il, bin b̄i maḡilsek kod m̄ideb. K̄iri maḡilsek ȳib ne ak per agel ar amnan̄.

⁶ God M̄in̄im agak ak, agak rek nep gak. Isrel ñ̄i pai t̄ikel, t̄ik dam dap̄il ḡi dam̄il, t̄ik dolak okok ognap Isrel bin b̄i ȳip̄id ḡil ma m̄idebal.

⁷ Ebrahim ñi pai tikel, tik dam dapil gi damil tik dolak okok ognap Ebrahim ñi pai ne yipid gil ma midebal. God Ebrahim nop agak, “Aisak ñi pai tiknigab okok nep ñi pai ar nepe rek midenigal,” agak. ⁸ Nib ak, Ebrahim ñi pai tikel, tik dam dapil gi damil, tik dolak okok ognap God ñi pai ne ma midebal. God minim kilis niñid agek Ebrahim ñi pai tik donigal ñi pai okok nep, kiri God ñi pai ne midenigal. ⁹ God Ebrahim nop minim kilis niñid nibak agil agak, “Ñin yad ag linek ñin ak nep yad adik gi apen, bin nak Sera ñi alap tik donigab,” agak.

¹⁰ Pen apis cin Rebeka ñi ne omal bi nokim nep tikak. Bi nibak based cin ak Aisak. ¹¹⁻¹² Pen God gos ne ke niñip rek ginigab. Bin bi an an ag linigain agenigab ak, ag linigab. Kiri tap tep ognap genigal ak niñil ma ag linigab. God gos ne ke niñip rek ginigab. Nib aknib rek nep me, apis based cin Aisak Rebeka ber mal ñi tam ma tikrek won ak, God ne Rebeka nop agak, “Ñi nak ned tiknigan ak, bi kib rek ma midenigab; ne ñi nak kisen ak nop wög gi ñinigab,” agak. Ñi kogi nab okok nep miderek nonim ma tik dowak ar ak nep, tap tep tap timel alap gerek niñil mer, God gos ne ke niñil nib agak. ¹³ God Minim dai alap ñu kil tiklak ak, God minim agil agak, “Yad Jekop nop midmagil lil dipin pen Iso nop midmagil lil ma dipin,” agak.

God ne gip ak, yipid gil nep gip

¹⁴ Nib ak, God yipid gil ma gip, agin? Mer! Ne yipid gil nep gip. ¹⁵ God ne Mosiis nop agak,

“Bin bi yimig niɲɲigain okok kirop yimig niɲɲigain.

Bin bi midmagil lil di tep ginigain okok kirop midmagil lil di tep ginigain,” agak.

¹⁶ Nib ak nɲɲɲn, cini ke kilis gil gipɲn ak niɲɲil cɲnɲɲ ma dɲɲigab; cini ke kilis gil gos sek midobɲn ak niɲɲil cɲnɲɲ ma dɲɲigab. Ne ke yimig niɲɲigab bin bi okok nep dɲɲigab.

¹⁷ God Mɲɲɲm dai alap ņu kil tɲklak ak, God mɲɲɲm agil Pero nop agak, “Yad gos niɲɲen, bin bi karɲp lim tigon tigon midebal okok magilsek niɲɲigal, nak kin Ijip nib ak bi kib bi kilis yib pen yad God gen nak bi yokop rek midenigan. Nig genigab, kiri niɲɲil, mɲɲɲm nibak ag amil apil gil yib yad ak agel karɲp lim tigon tigon magilsek amɲigab. Ar nibak nep yad ke gen, nak Ijip kin mideban,” agak. ¹⁸ Nib ak nɲɲɲn, God gos ne ke niɲɲip rek, bin bi ognap yimig niɲɲigab pen bin bi ognap kirop niɲɲebir gek, gos timel kiri nɲpal ak kidil amɲigab.

¹⁹ Nibi ognap God gip nibak rek niɲɲil agniɲgabɲm, “God ne nep gek, gos nibi ak kidil amib ak, tari ginig pen, mid tep ma gipɲm, agil, cɲnɲɲ mɲɲɲm kib agniɲgab? God ne ke, ‘Tap nib okok ginigab,’ agniɲgab ak, bi an ne pen, ‘Tap okok ma ginigab,’ agniɲgab?’” agniɲgabɲm. ²⁰ Nib agniɲgabɲm ak pen nibi bi kib an rek midil, God mɲɲɲm ne ak dai dɲɲigabɲm?

Ar nibak rek, God Mɲɲɲm ak bi nak Aisaia ņu kil tɲkil agak, “Bi alap lim dil, tin cög alap gek, ‘Yip tari ginig nig gil gipan,’ agil pen ma agniɲgab. Mer yib!” agak. ²¹ Bi tin cög ginig geb bi ak, ne gos ne ke niɲɲip rek ginigab. Lim bad nokim

alap tig gi rik dapil, tin tep tep ñin nokim nokim dagilep alap gi lil, tin yokop per per dagilep alap gi lil, ginigab. Ak minim ma mideb; gos ne ke. 22-23 Nib aknib rek me, God gip. Ne bin bi gi timel gi midebal okok nihak, yirik yib gek, kirop ñag pak linimih rek lip ak pen, ne milik sek mideb ak nihil kilis ne mideb ak nihlan, agil, kirop kasek nig ma gip. God birarik ped okok gos ne ke nihil agak, bin bi yimig nihil di tep ginigain bin bi okok melik tep yad ak nihnimel, agak. Nib ak, bin bi nib okok melik tep yad ak nihnimel, agil, ne bin bi gi timel gi midebal okok gek, gos cibur timel kiri ak kidil amib. 24 Bin bi yimig nihil di tep ginigain, agak minim ak, cinop Juda bin bi abe, Juda bin bi mer okok abe, agak. 25 Minim ar nibak rek, God minim agak ognap bi nak Hosea God Minim dai alap ñu kil tikil agak,

“Bin bi yad ma mideligiipal okok,
kirop ‘bin bi yad’ agnigain.

Pen bin bi midmagil ma loligipin okok,
kirop ‘bin bi midmagil yad’ agnigain.

Pen Hosea God Minim dai alap sek ñu kil tikil
agak,

26 Ned ‘Bin bi yad ma midebim,’ agnek ak,
karip lim nokim nibak nep kirop
‘God per komih mideb ñi pai ne,’ agnigain,”
agak.

27 Pen God Minim dai alap, bi God minim agep
Aisaia minim bleble gil ageb,
“Isrel kai kab kilip ñig gol okok mideb rek
konai nep midenigal ak pen
Bi Kib ne yokop sikol bad alap nep
di komih yoknigab.

28 Tari g̃n̄ig: B̄i K̄ib ne kasek nep
 bin b̄i l̄im dai ar wag̃n aul m̄idebal okok
 maḡlsek m̄in̄im k̄ib aḡl
 p̄is nep pen ñ̄in̄igab,” agak.

29 G̃n̄igab n̄ibak, Aisaia ne ned God M̄in̄im dai
 alap ñ̄u k̄il t̄ik̄il agak,

“B̄i K̄ib ke k̄il̄is sek m̄ideb ak,
 c̄inop ñ̄i pai yokop bad alap nep ma k̄ir̄ig
 ḡipkop;

Sodom Gomora bin b̄i k̄irop gak rek ak,
 c̄inop ḡipkop,” agak.

*Isrel kai abe Jisas m̄in̄im tep ak n̄iḡ d̄il̄aḡ; kan̄ib
 tam nok̄im ak nep m̄ideb*

30 N̄ib ak, n̄iḡim! Juda bin b̄i mer okok, ned,
 m̄id tep ḡil God eip j̄im ñ̄il m̄idoj̄in aḡl gos ak
 ma n̄iḡlak ak, pen m̄iñ̄i Jisas m̄in̄im tep ak n̄iḡ
 del, God k̄irop as̄iḡ ma m̄ideb agek, ne eip j̄im ñ̄il
 m̄idebal. 31 Pen Isrel bin b̄i ned God lo m̄in̄im ak
 d̄il, aḡip aḡip rek g̃n̄, aglak ak pen m̄iñ̄i ne eip j̄im
 ñ̄il ma m̄idebal. 32 Pen tari, God nop n̄iḡ d̄il mer,
 c̄in ke ar ognap ḡil, ne eip j̄im ñ̄il m̄iden̄igab̄in,
 aḡl, God ne kab tep lak ar ak am̄n̄in agel n̄iḡl̄ig
 ḡi, tob k̄iri kab ar n̄ibak l̄i yokek ap yap pakpal.
 33 M̄in̄im n̄ibak rek, Aisaia ne God m̄in̄im agak
 rek ñ̄u k̄il t̄ik̄il agak,

“N̄iḡim! Yad taun k̄ib Saion kab alap len,
 bin b̄i tob k̄iri kab ar n̄ibak l̄i yokek ap yap
 pakn̄igal;

pen bin b̄i nop n̄iḡ d̄in̄igal okok,
 God nop n̄iḡl̄ nab̄iḡ ma d̄in̄igal,” agak.

10

Isrel bin bi, cin ke lo minim ar nibak kisen gin, agil gi damil ap yap paklak

¹ Midemam yad okok. Gos kilis yip owip ak, God bin bi yad Isrel kai kirop di komiŋ yoknimin, agil, nop per nep sobok gilig gi midebin. ² Yad kiri gipal rek niŋil nipin, cin God bin bi ne midojin, agil, kilis yib gipal ak pen gos niŋ tep gil ma gipal. ³ “Krais kimak rek, God cinop, ‘Bin bi asiŋ ma mideb yad,’ agniŋab,” agil gos ak niplap ak pen ar nibak niŋ tep ma gil, gos kiri ke ar ak nep niŋil aglak, “Cin lo ar ak gon ameniŋab ak, God bin bi tep ne midoniŋabin,” aglak. Nib ak, lo minim ar nibak kisen gin, agil gi damil, kisen ap yap paklak. ⁴ Krais gak nibak, miŋi lo ak kir gip. Nib ak me, bin bi an an Jisas minim tep ak niŋ diniŋal okok, God kirop magilsek, bin bi asiŋ ma mideb yad, agniŋab.

Bin bi karip lim tigoŋ tigoŋ magilsek komiŋ amnimel rek lip

⁵ God Minim ak, Mosis minim ognap nu kil tikil, lo minim dil asiŋ ma mideb rek mideniŋal minim ar ak agil, Isrel kai kirop agak, “Lo minim ak dil, ageb rek nep gil me, komiŋ amniŋabim,” agak. ⁶ God Minim ak, Mosis minim ognap nu kil tikil, Krais nop niŋ dil asiŋ ma mideb rek mideniŋal minim ar ak agil, Isrel kai kirop agak, “Nibi, ‘Bi an ar alaŋ amniŋab?’ ma agnimib,” agak. (Minim agak ak wagin ak me, kiri am seb kab ar alaŋ siŋak nib Krais nop pon dil ma doniŋal.) ⁷ Nib aknib rek nep, “Nibi, ‘Bi an cip kaun karip mideb mok okpi amniŋab?’ ma

agnimib,” agak. (Minim agak ak wagin ak me, kiri am cip kaun karip mideb mok okpi nib Krais nop pon dil ma donigal.) ⁸ Pen God Minim dai nibak, Mosiis minim ar ognap tari tari nu kil tikil Isrel kai kirop agak. Ne agak, “Minim magil nibak par okok ma mideb. Minim magil nibak midmagil nab kiri adan mideb per apim ar ak nep,” agak. Mosiis ne Jisas minim tep, minim nin dep nibak nep agak. Minim tep nin dep nibak nep cin per nep ag nibin me ak.

⁹ Nib ak, God gek Jisas warikip, agil gos ak nin midil, “Jisas ne Bi Kib yad,” misen agnigabim ak, God nibep bin bi asin ma mideb yad, agil, nibep di komin yoknigab. ¹⁰ Pen tari, nibi gos midmagil nab nibi adan minim tep ne nin dinigabim ak, God nibep bin bi asin ma mideb yad agnigab. Meg migang nibi minim tep nibak agil, bin bi okok misen ag ninigabim ak, God nibep di komin yoknigab. ¹¹ Ar nibak rek, Aisaia ne God Minim dai alap nu kil tikil agak, “Bin bi nop nin dinigal okok, God nop ninil nabin ma dinigal,” agak. ¹² Juda bin bi okok, Juda bin bi mer okok, ke ke ma midebal. Bi Kib ne bin bi okok nib okok nib magilsek Bi Kib nokim nep mideb. Bin bi okok nib okok nib an an nop sobok ginigal okok, kirop di tep yib ginigab. ¹³ Ar nibak nep, bi nak Joel, God Minim dai alap nu kil tikil agak, “Bin bi an an Bi Kib nop, yip di komin yokan, agil ag ninel, kirop di komin yoknigab,” agak. ¹⁴ Pen kiri Bi Kib nop ma nin dinigal ak, kiri nop titi gil sobok ginigal? Pen kiri Jisas minim tep ak peyig ma ninigal ak, kiri titi gil minim tep nibak nin dinigal? Pen bin bi ognap apil Jisas minim

tep ar ak ma ag ñinɔgal ak, kɪri titi gɪl mɪnɪm nɪbak peyɪg nɪɲnɔgal? ¹⁵ Pen bin bɪ Kraɪs Jisas nɪɲ dɪpal okok kɪrop ma ag yoknɔgal ak, kɪri titi gɪl amnɔgal? Ar nɪbak nep, Aisaia ne God Mɪnɪm dai alap ñu kɪl tɪkɪl agak, “Bin bɪ mɪnɪm tep dopal okok, kɪri gɪ tep yɪb gɪpal,” agak.

¹⁶ Pen Isrel bin bɪ Kraɪs Jisas mɪnɪm tep ak nɪɲlak okok ognap ma nɪɲ dɪlak. Mɪnɪm ar nɪbak nep, Aisaia ne God Mɪnɪm dai alap ñu kɪl tɪkɪl agak, “Yad mɪnɪm tep nak ak kɪrop ag ñɪbin pen bɪ an nɪɲ dɪp?” agak. ¹⁷ Nɪb ak, bin bɪ ognap God mɪnɪm ag ñel, bin bɪ nɪɲɪl mɪnɪm nɪbak nɪɲ dɪnɔgal. Pen God mɪnɪm ag ñel, nɪɲ dɪnɔgal ak, Kraɪs mɪnɪm tep me ak. ¹⁸ Pen Isrel kai mɪnɪm nɪbak ma nɪɲlak aka tari? Mer yɪb! Nɪɲlak. Kɪri ned nɪɲlak ak me, Depid ne God Mɪnɪm dai alap ñu kɪl tɪkɪl agak,

“Kɪri karɪp lɪm tɪgoɲ tɪgoɲ magɪlsek amɪl,
mɪnɪm nɪbak ag ñɪbal;

kɪri mɪnɪm ag ñel,
karɪp lɪm okok tɪgoɲ tɪgoɲ magɪlsek yɪb
amɪb,” agak.

¹⁹ Pen yad ag nɪɲeb alap sek mɪdeb: Isrel kai mɪnɪm nɪbak nɪɲɪl wagɪn ak ma nɪɲlak aka tari? Mer yɪb! Wagɪn ak nɪɲlak. Mosɪs ne God mɪnɪm agak ak dɪl, God Mɪnɪm dai alap ñu kɪl tɪkɪl agak, “Yad bin bɪ sakɔl sek mɪgan ognap kɪrop dɪl, dɪ tep gen,

nɪbɪ Isrel bin bɪ kɪrop mɪlɪk kal nɪɲɪl,
God cɪnop rek nɪb ma gɪp, agɪl nɪɲnɔgabɪm,”
agak.

²⁰ Aisaia ne God mɪnɪm agak ak dɪl, God Mɪnɪm dai alap ñu kɪl tɪkɪl mɪsɛɲ yɪb agɪl agak,

“Bin bi yip niñin agil ma piyo nupal okok
 yip piyo nupal;
 kiri yip niñin agil ma ag nupal
 pen yad ke kirop misen len yip nupal,” agak.
²¹ Pen Isrel gipal rek, Aisaia ne God minim agak
 ak dil, God Minim dai alap nu kil tikil agak,
 “Yad per bi niñeb kiri rek midil,
 ‘Yip owim!’ apin pen yip ma opal.
 Kiri aleb aleb nil,
 gos kiri ke nupal rek nep gipal,” agak.

11

God Isrel bin bi kirop pis nep ma kirig gip

¹ Nib ak, yad ag niñeb alap mideb: God Isrel bin bi okok kirop pis nep kirig gip aka? Mer yib! Kirop pis nep ma kirig gip. Yad Pol ak rek nep Isrel nib bi alap. Ebrahim tikek, tik damil, Benjamin nop tiklak; Benjamin pen tik dam dapil gak wagin ak, yad midebin.

² Pen God bin bi birarik nep niñil, bin bi yad midenimel, ag gos niñak bin bi okok kirop ma kirig gip. Kiri bi Ilaija nop kesim dil God Minim nu kil tiklak ak bir nipim. Ilaija God nop sobok gil agak, ³ “Isrel bin bi okok magilsek nep kirig gil, bi minim nak agep okok kirop ñag pak lil, kab kinar gil tap pak nep sobok gep kab okok, pag jisipik masipik gi yokpal. Yad ausek nep midebin ak pen yip ak rek nep, ñag pak lin, agil, yik dad ajebal,” agak. ⁴ Agek, God nop pen agak, “Bi yad konai yib nep sepen tausan rek (7,000) midebal okok, Bal god tom ak nop, ‘Bi kib cin,’ agil, nop ma sobok gipal,” agak.

⁵ Nib ak rek, God bin bi yimig yib gip ak me, ne cinop bin bi Isrel yokop bad alap yimig niñil ag lek midobin. ⁶ Cinop yimig niñil dip nibak, lo ar ak gonok aka tap ognap ke gonok niñil ma dip. Cinop yokop yimig niñil dip ag gos nipin ak, pen cin tap alap ke gon cinop dopkop, cin nig gos ma nipnop. ⁷ Bin bi Isrel kilis yib gil piyo niñ damil ma dilak. God bin bi kirop dinigain agil ag lak bin bi okok nep dilak. God ne ke gek, bin bi ognap minim ne ak niñil ma niñlak.

⁸ Ar nibak nep, Mosi God Minim dai alap nu kil tikil agak,

“God ne gek, kiri wisin kinil,

udin jik jik gi midelak;

ne gek, kirop udin kwoi gek,

udin ma niñelak;

ne gek, kirop saköl ñagek,

minim peyig ma niñelak;

nibak nep mid damil,

miñi aknib rek nep midebal,” agak.

⁹ Pen Depid God Minim dai alap nu kil tikil agak,

“Kiri per tap kib niñbal ak,

kirop waknan gon rek di cici dinimni.

Amnin ag gos niñniñgal kanib nibak pis nep pilin ginimni.

Nib ak, kiri gi timel gipal ak, kiri pen dinimel.

¹⁰ Udin kiri kwoi gek udin ma niñnimel.

Miker kib apek per koslam kid pak dad ajenimel,” agak.

God Juda bin bi mer okok dip

¹¹ Pen Isrel kai ap yap pakpal ak, piš nep ap yap ma pakpal. Kiri tap si tap timel gılak rek, God kirop kirig gıl, Juda bin bi mer okok kirop dip. Dip nibak, “Isrel kai, ‘Cinop rek nig gıl ma dip,’ agıl niñlan,” agıl gip.

¹² Pen Isrel kai tap si tap timel gelak rek, bin bi karip lim tigon tigon tap tep yib dipal. God Isrel kai kirig gak rek, Juda bin bi mer okok tap tep yib dipal. Nib ak, God bin bi Isrel di komiñ yoknigab ñin ak, bin bi ne okok magısek tap tep tep yib dinigal.

¹³ Yad miñi nibep Juda bin bi mer okok agebin. Krais Jisas yip, “Juda bin bi mer okok kirop minim tep yad ag ñinimn,” agak ak me, nibep Juda bin bi mer okok Jisas minim tep ak ag ñi miden yip tep gip. ¹⁴ Pen yad nibep Jisas minim tep ak ag ñen nipek, bin bi yad ke Isrel ognap niñil, “God kirop dip rek cinop ma dip,” agıl nop apenimel ak, yip tep yib ginigab. ¹⁵ God Isrel kai kirop kirig gak rek, Juda bin bi mer okok kirop, bin bi yad, agıl, dip. Nib ak, kisen Isrel kai kirop dek, cip kimıl kauyan wariknigal ak rek ginigab.

¹⁶ Kiri bred dai alap God nop sobok gi ñenigal ak, bred magıl magısek God tap ne. Kiri agnigal, “Mab olip wagin ak God mab wagin ne,” agnigal ak, tam lil lek pak kid kid amnigab ak abe God tap ne.

¹⁷ Pen God ne mab olip lek kid ned nib okok sak yokıl, nibep olip lek be okok nib rek dapıl jim ñek, jim ñıl midebim. Nib ak me, mab olip ned nib ak komiñ midıl lim epi nib ñig ak dek, lek kisen nib ak mid tep gip. ¹⁸ Nibi mab lek ned nib ak, lek yokop, agıl gos ak ma niñnimib.

Nibi niɲniɲmɲb, nɲbi mab lek kɲsen nɲb ak ñig dɲl mab wagɲn ak ma ñɲbɲm; mab wagɲn epi ñig dɲl nɲbep mab lek aɲek ñɲb. ¹⁹ Nibi agnɲgabɲm, “God ne, ‘Olip lek be okok nɲb dapɲl tɲg jɲm ñɲnɲm,’ agɲl, olip lek ned nɲb okok sak yokek, kau nɲbak dɲl mɲdobɲn,” agnɲgabɲm. ²⁰ Mɲnɲm nɲbak nɲɲɲd agnɲgabɲm ak pen nɲɲ tep gɲnɲmɲb. Isrel kai Kraiɲ nɲp ma nɲɲ del, kɲrop kɲrɲg gak; nɲbi pen Kraiɲ nɲp nɲɲ dem, nɲbep dak. Pen nɲbi nabɲɲ dɲl, yɲb nɲbi ke agem ar ma amnɲmɲɲ. ²¹ Tari gɲnɲg: God mab olip lek ned nɲb okok sak yokak rek, nɲbep ak rek nep gɲnɲmɲɲ rek lɲp.

²² God ne bɲ sain tep yɲb ak pen ne bɲ kɲlɲs yɲb rek mɲdeb. Bin bɲ nɲp kɲrɲg gɲlak okok kɲrop bɲ kɲlɲs rek lɲl kɲrɲg gak. Pen nɲbep kapkap sain tɲkɲl, mɲdmagɲl lɲl, dak. Nibi nɲg gɲl Kraiɲ nɲp nɲɲ dɲlɲg gɲ mɲdenɲgabɲm ak, ne nɲbep kapkap sain tɲkɲl, mɲdmagɲl lɲlɲg gɲ mɲdenɲgab. Pen Isrel kai kɲrop gak rek, cɲnɲp ak rek nep gɲnɲmɲɲ rek lɲp, agɲl, nɲɲ tep gɲnɲmɲb. ²³ Isrel bin bɲ nɲb okok kɲsen Kraiɲ nɲp nɲɲ denɲgal ak, God kɲrop dɲ pak jɲm ñɲnɲgab. God kɲrop dɲ pak jɲm ñɲnɲmɲɲ rek lɲp. ²⁴ Pen tari, nɲbep mab olip lek be okok nɲb dapɲl, mab olip yɲmɲb pak jɲm ñek mɲdebɲm ak, olip lek yɲpɲd gɲl okok kauyan pak jɲm ñɲnɲg, pak jɲm ñɲnɲgab.

Kɲsen Isrel bin bɲ magɲlsek kɲrop dɲnɲgab

²⁵ Pen ai mam sɲkop. Yɲb nɲbi ke agem ar amnɲmɲɲ rek lɲp. Nɲb ak, mɲnɲm ned ma nɲɲolɲgɲpɲn alap nɲbep agnɲg gebin. Isrel bin bɲ koɲai nep mɲɲi udɲn kwoi rek mɲdebal ak pen per nɲg ma gɲnɲgab. God Juda bin bɲ mer okok kɲrop

dinigain, agil gos niŋak, bin bi okok magilsek dinigab. ²⁶ Bin bi nib okok di sakil, kisen Isrel bin bi kirop magilsek di komiŋ yokniŋgab. Miniŋ ar nibak rek, God miniŋm agak ak dil God Miniŋm dai alap nu kil tikiŋ aglak,

“God agak,

‘Jekop kigiŋ yip kirig gilak okok kirop di komiŋ yokniŋgab Bi ak, taun kib Saion nib oniŋgab.

²⁷ Yad kirop eip miniŋm kilis niŋid agnek rek, tap si tap timel giŋpal gac ak lig gi yokniŋgain,’ agak,” aglak.

²⁸ Isrel kai Kraiss ma niŋ dilak rek, kiri God kauwal mauwal ne midebal. Pen nibi Kraiss niŋ dil, miŋ miŋ gilig gi midebim. Pen God birarik nep Isrel kai nised acik kiri Ebrahim Aisak Jekop bi okok kirop miniŋm kilis niŋid agak ak niŋil, God Isrel kai midmagil lilig gi nep mideb. ²⁹ God ne tap tep alap nil, kisen gos kisen nib niŋil, tap tep nibak ma adik dinigab. Nib aknib rek nep, God ne, giŋigain, agil, miniŋm kilis niŋid ageniŋgab, kisen gos kisen nib niŋil, ke ma giŋigab. Miniŋm agniŋgab ak ma kirig giŋigab. Agniŋgab rek nep giŋigab.

³⁰ Nibi ned God miniŋm agak ak di yokoligiŋim pen kisen Isrel bin bi God miniŋm ne kirig gel, nibep pen yimig niŋil di tep gek, ne eip mid tep giŋim. ³¹ God nibep yimig niŋil dak ak, Isrel bin bi niŋel, milik yapek, Kraiss miniŋm tep ak di yoklak, pen kisen God kirop ak rek nep yimig niŋil dinigab.

³² Nib ak niŋin, Isrel bin bi okok abe, Juda bin bi mer okok abe, God miniŋm ne ak di yoklak

rek, God kîrop magîlsek niñebir kîrîg gek, kîri bî nagîman rek mîdîl, tap si tap tîmel gî dam dam dad amel, kîsen kîrop yîmîg niñîl dînîgab.

God yîb ne per agon ar amnan

³³ Nîb ak, yad niñpin, God tap magîlsek niñîp;
gos ne gos tep yîb.

God ne gos niñ kîd yîb niñ yîkîl,
ar niñbak ke yîb gîp.

God ne gos niñîl,
tap niñ niñ gînîgain, agîl, gos tep niñîp rek,
bî alap gos tep akniñ rek ma mîdeb.

Cîn God gos tîmîd ne niñîl,
ne ke gîp rek gîn, agîl, ma gînîgabîn!

³⁴ God Mînim ak ñu kîl tîkîl aglak,

“Bin bî an, Bî Kîb gos tep niñîp rek ak niñîp?
Bin bî an, Bî Kîb nop, ‘Nak niñ gan, niñ gan,’
agnîgab?”

³⁵ Pen bin bî an, tap tep alap God nop ñek, pen
ñînimîñ?

Mer yîb! Bin bî alap nop niñ gînimel rek ma
lip,” aglak.

³⁶ Tari gîniñ: God ne tap okok magîlsek gî lak;
kîlîs ne nep tap niñ okok magîlsek mîdeb;
tap niñ okok magîlsek God nop mîñ mîñ gîlîg gî
mîdenîmel.

Nîb ak, yîb ne ak per per nep agon ar amnan!
Nîb akniñ rek tep.

12

*God pis ar mîdobî, agîl, nop tep gînimîñ ar ak
nep gem amnimîñ*

¹ Nib ak, ai mam sikop. God ne nibep yimig niñil dip rek, nibi pen tap God nop sobok gi ñibal rek, mib goñ gos timid nibi ak, tap komiñ sek rek, tap siñ rek, God nop ñinimib. Tap damil, God nop sobok gi ñibal okok, tap timel timel okok ma ñibal. Tap tep tep, tap alap ma gip okok nep nop nel me, ne miñ miñ gil dip. Niñ aknib rek me, God ne mib goñ gos timid cinop ke tap nop sobok gi ñibal rek dinimih, agil, nop niñ dilig gi midil, ageb ageb rek nep ginimib.

² Pen bin bi lim ar wagin aul gos niñil gipal nag ar ak rek ma ginimib. Pen God nop ag niñem, ne nibep gos tep ñek, gos timid midmagil nibi nab adañ kisen nib lil, bin bi ke kisen nib rek linimib. Nib ak, nibi niñnigabim, cin titi gon, God nop tep ginimih. Nibi niñnigabim kanib tari kanib tep yib; yipid gil nep ginigab ar ak niñnigabim. Pen nibi niñ gil niñ tep gil, nib aknib rek nep ginigabim. ³ God yip yimig niñil dek, wög ne gipin. Nib ak, nibep magilsek agebin, cin bin bi kib, ag gos ma niñnimib. God ne niñ dep magil ak nibep ke nokim nokim ñib. Nib ak me, nibi nabiñ dil, cin tigeñ bin bi rek midobin, agil niñnimib.

⁴ Cin nipin, cin magilsek mib goñ nokim mideb ak pen dai dai ke ke koñai nep mideb. Dai okok wög ke ke mideb; tob ak wög ne ak ke gip, ñinmagil ak wög ne ak ke gip, udin ak wög ne ak ke gip. Nib ak, wagin ke ke mideb rek, wagin ke ke nep gipal.

⁵ Nib ak rek, cin Krais pis ar midobin okok ak rek nep wög ke ke gipin ak pen bin bi kigin ne jim ñil nokim ak nep midobin. ⁶ God cinop

nokim nokim yimig niñil di tep gil, tap tep cinop ke ke ñib rek, ar nibak nep niñil ginigabin. God bin bi ognap tap tep ñil, minim yad bin bi okok ag ñinimn, agenigab ak, ne God niñ dep magil ñib rek ag ñinimn. ⁷ God bin bi ognap tap tep ñil agnigab, bin bi okok wög ognap gi ñinimn, agenigab ak, bin bi okok wög ognap gi ñinimn. God bin bi ognap tap tep ñil agnigab, bin bi ñi pai bi okok minim tep ognap ag ñinimn, agenigab ak, bin bi ñi pai minim ag ñinimn. ⁸ God bin bi ognap tap tep ñil agnigab, ai mam nak alap yirik gonimn ak, nop minim ag ñi tep gek, ne gos tep niñil miñ miñ ginimn, agenigab ak, ne aknib rek ginimn. God bin bi ognap tap tep ñil agnigab, bin bi okok mani tap okok ulep gip ak, kirop mani tap ognap ñinimn, agenigab ak, mani tap ognap abramek ñinimn. Bin bi ognap tap tep ñil agnigab, bin bi ognap kirop kod midenimn, agenigab ak, ne gos niñ tep gil kirop kod midenimn. Bin bi ognap tap tep ñil agnigab, bin bi ognap kirop yimig niñil di tep ginimn, agenigab ak, ne miñ miñ gilig gi yimig niñil di tep ginimn.

Bin bi okok kirop midmagil linimib

⁹ “Bin bi okok kirop midmagil lipin,” agil, esek ma agnimib; kirop midmagil yib lil, di tep yib ginimib. Tap si tap timel gep magil ak nop kausal maual nibi rek mlík kal niñnimib. Pen kilis gil nag tep ar ak nep di rib ginimib. ¹⁰ Bin bi ai mam sikop pen pen midmagil lipal rek, nibi Krai pıs ar midelim ak rek nep ai mam sikop pen pen midmagil linimib. Ai mam sikop nibi

okok yib kirop agem ar amnımın; pen yib nıbi ke agem ar ma amnımın. ¹¹ Wög yirik marık ma gınımıb; kılıs gıl gınımıb. Bı Kıb cın ak nop wög gobın agıl, tep gek nınlıg gı gınımıb. ¹² Bı Kıb cınop dınıgab, agıl, tep gek nınlıg gı, nop kod mıdenımıb. Nıbep mıker ognap onımın, kapkap sain rıkil mıdenımıb. God nop sobok gep ak ma kırıg gıl, per nep sobok gılıg gı mıdenımıb. ¹³ Bin bı God pıs ar mıdıl, mani tap kırı ulep gonımın, kirop mani tap ognap nonım lı ñınımıb. Bin bı par okok nıb apenımel, poñ dıl karıp nıbi dad amnımıb.

¹⁴ Bin bı ognap nıbep gı tımel genımel ak, nıbi pen, “God nop sobok gon kirop gı tımel gañ,” agıl ma sobok gınımıb; “God nop sobok gon kirop gı tep gañ,” agıl sobok gınımıb. ¹⁵ Bin bı ognap kırı mıñ mıñ gılıg gı mıdenımel, nıbi kirop eip mıñ mıñ gılıg gı mıdenımıb; pen bin bı ognap yım gep rek mıdenımel, nıbi kirop eip yım gek nınlıg gı mıdenımıb. ¹⁶ Bin bı yıb mıdeb okok kirop dı tep gın, bin bı yıb ma mıdeb okok kirop dı tep ma gın agıl, gos ak ma nıñnımıb. Kirop magılsek adıp adıp rek dı tep gınımıb. Cın bin bı yıb mıdeb, agıl, gos ak ma nıñnımıb. Bin bı yıb ma mıdeb okok eip nab sakıl mıdenımıb. Cın nep nıñ tep gıpın, agıl gos ak ma nıñnımıb.

¹⁷ Pen bin bı ognap nıbep nıñel mılık yapek, gı tımel genımel ak, kirop pen ak rek nep gı tımel ma gınımıb. Bin bı okok nıñel tep gınımın ar ak nep gınımıb. ¹⁸ Bin bı ognap eip pen pen gın, agıl gos ak ma nıñnımıb. Bin bı okok magılsek eip kapkap jım ñıl mıdojın, agıl gos ak nep nıñnımıb.

¹⁹ Pen bin bı tep yad okok. Bin bı ognap nıbep gı

timel genimel ak, kirop pen gi timel gin, agil, gos ak ma niŋnimib. Ak God tap ne, agil niŋnimib. Yad kirop pen abe gi timel gin, agil, God ne ke gos niŋip rek ginigab. Mosis ne God minim agak ak dil, God Minim dai alap nu kil tikil agak, “God ageb, ‘Nibep gi timel genimel ak, yad kirop pen abe gi timel ginigain; ak gos yad,’ ageb,” agak. ²⁰ Nib ak, bi nak Solomon God Minim dai alap nu kil tikil agak,

“Bin bi nibep ned gi timel gilak okok

kirop yuan lenimih ak, tap magil ninimib;

kirop nig nen genimih ak, nig ninimib.

Nig genigabim ak, bi nibep ned gi timel gilak okok

nabic kirop ar alaj mab yineb yineb rek yokem yinek niŋnigal,” agak.

²¹ Nib ak me, nibep gi timel genimel, kirop pen gi timel ma ginimib; kirop gi tep gem, ke sain gek amnimih.

13

Gapman kai agnimel rek ginimib

¹ Pen cin magilsek gapman agnimel rek niŋin. Ke gos niŋil, gapman ma mideb; God agek, gapman mideb. ² Nib ak, bin bi an gapman minim tib juenigab, God agek gapman mideb minim ne ak abe tib junigab. Bi nibak God nop minim kib agnigab. ³ Bin bi gi tep ginigal okok, gapman bi kib okok jel gek ma piriknigal; bin bi gi timel ginigal okok nep, gapman bi kib okok jel gek piriknigal. Nib ak, gapman bi kib okok ma pirikjin, ag gos niŋenigabim ak, nibi mid tep

gɪnɪmɪb nɪŋɪl gapman bɪ kɪb okok, “Nɪbi gɪ tep gɪpɪm,” agnɪgal. ⁴ Pen tari: God agek, gapman bɪ okok, wɔg gep bɪ ne rek mɪdɪl, nɪbep kod mɪdel me, nɪbi mɪd tep gɪnɪgabɪm. Pen nɪbi nɪŋ tep gɪl, gɪ tɪmel ma gɪnɪmɪb; gapman bɪ tu par kɪd dɪ ajpal ak, yokop ma dɪ ajpal. God agek, gapman bɪ okok, wɔg gep bɪ ne rek mɪdɪl, bin bɪ okok gɪ tɪmel genɪgal ak, kɪrop dam mɪnɪm kɪb agɪl, pen yur ñɪnɪgal.

⁵ Nɪb ak, pen yur dɪjɪn rek lɪp, agɪl, gapman mɪnɪm ak kɪsen ma gɪn; God gapman nɪŋebir ag lek, cɪnop kod mɪdebal ak me, tari gɪnɪg gapman mɪnɪm tɪb juɪn, agɪl, mɪnɪm kɪrop kɪsen gɪl kapkap mɪd tep gɪn.

⁶ Ar nɪbak nep me, takɪs ak rek nep ñɪn. God gapman bɪ okok kɪrop nɪŋebir agek, gapman wɔg kɪri nɪbak gɪl, pe dɪpal. ⁷ Tap dai nɪbi tap tari tari rek mɪdenɪmɪŋ ak, dai magɪlsek pag dai junɪmɪb. Gapman takɪs ñeb ak, kɪrop takɪs ñɪnɪmɪb. Bin bɪ ognap takɪs ar ke ognap ñeb ak, kɪrop ak rek nep takɪs ñɪnɪmɪb. Bin bɪ mɪnɪm kɪri nɪŋ dep okok, mɪnɪm kɪrop nɪŋ dɪnɪmɪb. Bin bɪ yɪb dap rannɪmel okok, yɪb kɪrop dap rannɪmɪb.

Pen pen mɪdmagɪl lɪnɪmɪb

⁸ Tap dai nɪbi ognap mɪdonɪmɪŋ, pɪs nep dai pag ju dɪnɪmɪb. Pen cɪn tap dai nokɪm alap mɪdeb ak cɪn dai ak pag ju dɪpɪn, agɪl ma agnɪgabɪn; bin bɪ pen pen mɪdmagɪl lep dai nɪbak agebin. Bin bɪ okok kɪrop mɪdmagɪl lɪnɪgabɪn ak, God lo mɪnɪm ageb ageb rek nep gɪnɪgabɪn. ⁹ God ne ke mɪnɪm kɪlɪs agak ak, Mosɪs ne God Mɪnɪm dai ognap ñu kɪl tɪkɪl agak, “Bin si bɪ si ma gɪnɪmɪb;

cip ma ñag paknımıb; tap si ma dınımıb; bin bı ognap tap kırı okok tap cını rek mıdobkop, agıl gos ma nıñnımıb,” agak. God mınım kılıs tari tari ognap sek agak. Pen God mınım kılıs tari tari agak ak mınım wagın nokım ak nep mıdeb: “Nak ke mıdmagıl lipan rek, bin bı ke nıb okok kırop ak rek nep mıdmagıl lınımın.” ¹⁰ Nıbi bin bı ognap kırop mıdmagıl lınıgabım ak, kırop gı tımel ma gınıgabım. Ar nıbak nep, nıbi bin bı mıdmagıl lınıgabım ak, God lo mınım ageb ageb ak magılsek gınıgabım.

¹¹ Ñın mıdobın nab nıbaul nıñ tep gınımıb. Jisas nop nıñ dıl, kisen God (ne bin bı yad ke, agıl,) cınop pıs nep dam karıp ne ar alañ sıñak dad amnıgab, ag gos nıñolıgıpın. Pen mı ognap apıl amnak, ñın nıbak mıñi ulep mıdeb. Nıb ak me, tari gınıg wısın kın saköl gı mıdebım? Warıkıl, gos nıñlıg gı mıdenımıb. ¹² Tapın kılım nab mıdobın rek, karıp tıknıg geb. Nıb ak me, kırı tap tari tari kılım nab eyañ rek ajıl gı tımel gı mıdebal ar ak kırıg gıl, Seten eip pen pen gep sior kılıs, usajıl bad kılıs, tap melık sek God nıb okok dı yımın. ¹³ Nıb ak, cın Jisas melık tep ne ar ak mıdobın, agıl, gı tep gılıg gı nep mıdenıgabın. Pen tap koñai yıb nıbıl, nıg kılıs nıb saköl ñagıl, bin si bı si gıl, abramek gıl, pen pen gıl, tap kırı tap cın rek mıdobkop agıl, gıpal okok, ma gın. ¹⁴ Pen nıbi Bı Kıb Jisas Kraıs dı walıj rek yımıl, mıdmagıl acır nab cın adañ gos gıp ar ak titi gıl gınıgabın, agıl gos ak ma nıñnımıb.

Asik mosik gipal okok kɪrop ma ag ginimib

¹ Bin bi ognap Krai Jisas nop niŋ di pal ak pen niŋ di kilis ma gil, gos omal ni pal okok, “Kɪrop di ag amil apil gon, gos niŋ tep ginimel,” agil, ma ag ginimib; kiri Jisas Krai Jisas nop niŋ di pal ak, bin bi cin, agil, di tep ginimib. ² Cin ni pin, bin bi ognap Krai Jisas nop niŋ di di, tap okok abramek nibal; pen bin bi ognap, Krai Jisas nop gos ar ar nep niŋ di, nop tep ma ginigab, agil, kaj kimin kobri tap okok bil gil, yokop tap magil bep nep nibal. ³ Pen bin bi tap abramek nibal okok, bin bi tap bil gipal okok kɪrop ma ag junimel. Bin bi tap bil gipal okok, bin bi tap abramek nibal okok, God niŋek tap si tap timel gipal, agil, kɪrop ma ag ginimel. Tari ginig: God bin bi nib okok kɪrop dek, bin bi ne midebal. ⁴ Bi wog gep alap bi kib ne nop wog ognap ginigab, nak niŋil, gi tep gipan aka gi tep ma gipan, agil ma agnigan. Bi kib ne ke niŋil, gi tep gipan aka gi tep ma gipan, agnigab. Pen ne gi tep ginigab. Bi Kib ne ke nop gi nek, ne tep ginimin rek lip.

⁵ Pen bin bi ognap niŋel, nin alap God nin kib ne rek lip, nin alap nin yokop rek lip. Pen bin bi ognap niŋel, nin alap God nin kib ne rek ma lip, nin magilsek nin ke ke rek ma mideb. Nib ak, nibi ke ke midebim rek, gos nibi tep nipim ar nibak niŋil gem amnin.

⁶ Nin alap God nin kib ne rek lip, agil ni pal okok, Bi Kib nop gos niŋil me nig gil gos ni pal. Pen bin bi kaj kimin kobri tap okok nibal okok, God nop tep agil nibal. Bin bi asik mosik gi tep

gɪl, tap ognap nep ñibal okok ak rek nep, God nop tep agɪl ñibal.

⁷ Cɪn komɪŋ mɪdɪl, cɪn ke ausek mɪdobɪn, agɪl gos ak ma nɪŋɪn. Kimnɪg gɪnɪgabɪn ak, cɪn ke ausek mɪdɪl kimnɪgabɪn, agɪl gos ak ma nɪŋɪn. ⁸ Tari gɪnɪg: cɪn komɪŋ mɪdɪl, bin bɪ Bɪ Kɪb yɪb agel ar amnan, agɪl, gos ak nep nɪŋɪl mɪdonɪgabɪn. Kimnɪg gɪnɪgabɪn ak, bin bɪ Bɪ Kɪb yɪb agel ar amnan, agɪl, gos ak nep nɪŋɪl kimnɪgabɪn. Nɪb ak, komɪŋ mɪdenɪgabɪn aka kimnɪgabɪn, cɪn Bɪ Kɪb bin bɪ wög gep ne mɪdobɪn. ⁹ Ar nɪbak nep, Kraiss ne kimɪl warɪkak. Nɪb ak me, cɪn komɪŋ mɪdobɪn okok abe, bin bɪ bɪr kɪmbal okok abe, cɪn magɪlsek Bɪ Kɪb bin bɪ ne mɪdobɪn.

¹⁰ Nɪb ak, nɪbi tari gɪnɪg ai mam Kraiss pɪs ar mɪdebal ognap kɪrop, nɪg gɪpɪm, nɪg gɪpɪm, agɪl mɪnɪm ag gɪpɪm? Pen nɪbi tari gɪnɪg ai mam Kraiss pɪs ar mɪdebal ognap kɪrop nɪŋem, kɪri bin bɪ yokop rek lɪp. Nɪŋ tep gɪnɪmɪb: cɪn magɪlsek God udɪn yɪrɪk ar ne ak mɪdon, cɪnop mɪnɪm kɪb agnɪgab. ¹¹ Aisaia God Mɪnɪm dai alap ñu kɪl tɪkɪl agak,

“Bɪ Kɪb ageb, ‘Yad nɪŋɪd yɪb agebin,
kɪsen bin bɪ okok magɪlsek yɪp nɪŋɪl,
nabɪŋ dɪl, kogɪm yɪmɪl,
“God ne nokɪm Bɪ Kɪb mɪdeb,” agnɪgal,
ageb,” agak.

¹² Nɪb ak, nɪŋɪm. Cɪn nokɪm nokɪm mɪdobɪn rek, God cɪnop magɪlsek ag nɪŋek, cɪn komɪŋ mɪdɪl tap tari tari gɪpɪn okok ag ñɪl, ti gɪnɪg nɪg gɪpɪn agɪl agnɪgabɪn.

Ai mam Kraiſ piſ ken miſdebal ognap kirop goſ niſniſmiſ

¹³ Niſ ak, ai mam Kraiſ piſ ar miſdebal ognap kirop, niſ giſpiſm, niſ giſpiſm, agiſ miſniſm ag giſpiſm ak kiſriſ giſniſmiſ. Niſbi goſ niſniſ, yad gen ai mam Kraiſ piſ ar miſdeb alap ſiſdol giſ, kanſiſ koſlam ajep rek ak amiſ, yap pakiſ giſ tiſmel giſniſgab, agiſ, kapkap miſdiſ, ar niſbak nep gem amniſmiſniſ.

¹⁴ Biſ Kiſ Jiaſ biſ ne miſdebin rek, goſ yad ak niſ tep giſpin, tap biſ gep ognap ma miſdeb. Bin biſ ognap goſ kiſri ke niſniſ, tap biſ giſpal. Pen tap niſbak niſbon, God niſnek tep ma giſniſgab, agiſ biſ giſniſgal ak, tap niſbak ma niſniſmel. ¹⁵ Pen niſbi, ai mam Jiaſ kiſrop nen agiſ kiſmak niſ okok kiſrop miſmagiſ ma liſ, tap kiſri aſiſk moſiſk giſpal okok abraſmek niſbem, kiſri goſ par niſniſ ap yap pakniſmel rek liſ. Ar niſbak giſ tiſmel giſniſgabim.

¹⁶ Niſbi ke niſniſ, ar ognap giſniſmiſ rek liſniſgab ak pen bin biſ ognap niſ giſniſgabim ak niſniſ agniſgal, “Kraiſ piſ ar miſdobin apal ak pen kiſri niſnebir tap ſi tap tiſmel gebal ak me, ciſn niſpin, Jiaſ miſniſm tep ne miſniſm niſ dep apal ak eſek apal,” agniſgal.

¹⁷ Tari giſniſ: God ne kiſ ciſn miſdeb miſniſm ar niſbak agoniſgabim ak, tap niſnebiſ niſgiſ niſnebiſ miſniſm niſbak ma agniſgabim; giſ tep gep miſniſm ar ak nep agniſgabim; kapkap ſain tiſk miſdep miſniſm ar ak nep agniſgabim; miſniſ miſniſ giſliſgiſ giſ miſdep miſniſm ar ak nep agniſgabim. Tap tep niſ okok Kaun Siſ ne niſek diſniſgabim. ¹⁸ Ciſn Kraiſ nop niſ diſ niſgiſliſgiſ gonſgabim ak, God niſnek tep giſniſgab; bin biſ okok niſniſ, giſ tep giſpal, agniſgal.

¹⁹ Ciſn titi giſ ai mam eiſ kapkap jiſm niſliſ miſdiſ,

cin magilsek Kraiſ m̄n̄im tep ne ak n̄iŋ d̄i kilis ḡin, aḡil, kan̄ib n̄ibak nep kilis ḡilig ḡi kisen ḡin̄im̄b. ²⁰ Tap magil ognap b̄il ma gep. Pen b̄i alap gos gos l̄il tap okok abramek ñ̄ibek, Kraiſ nop n̄iŋ d̄ip bin b̄i alap n̄iŋil, sidol ḡil, Kraiſ n̄iŋ d̄ip ak k̄ir̄ig ḡil ap yap pakn̄igab ak, b̄i abramek ñ̄iŋn̄igab b̄i n̄ibak nop ḡi t̄imel ḡin̄igab. Tap magil ñ̄ib̄il, God w̄ög ne ḡi t̄imel ḡin̄igab. N̄ibi n̄ig akn̄ib rek ma ḡin̄im̄b. ²¹ N̄ib ak, c̄in ñ̄ibon ai mam alap ap yap pakn̄im̄iŋ rek l̄ip, ag gos n̄iŋn̄igabim ak, kaj ȳip̄il okok k̄ir̄ig ḡil, ñ̄ig wain okok k̄ir̄ig ḡil, tap okok k̄ir̄ig ḡil ḡin̄igabim ak tep. Tari gon ai mam alap ap yap pakn̄im̄iŋ rek l̄ip, ag gos n̄iŋn̄igabim ak, ai mam k̄irop nen aḡil, n̄ig ma ḡin̄im̄b.

²² Yad tap ñ̄iŋeb ma ñ̄iŋeb m̄n̄im agesin ak, n̄ibi tari gos n̄ip̄im ak, n̄ibi ke God eip. God c̄inop gos tep ñ̄ib rek n̄iŋil ḡi dam̄il, ai mam ognap k̄irop ma tau ñ̄in̄igab̄in ak, m̄ñ m̄ñ ḡilig ḡi m̄iden̄igab̄in. ²³ Pen tap ognap gos par l̄ilig ḡi ñ̄iŋn̄igab̄in ak, m̄n̄im m̄iden̄igab. Tari ḡin̄ig: n̄ig gen̄igab̄in, God nop tep ḡin̄im̄iŋ, ag gos n̄iŋil ma ñ̄iŋn̄igab̄in; nop tep ḡin̄im̄iŋ aka tep ma ḡin̄im̄iŋ, ag gos n̄iŋil ñ̄iŋn̄igab̄in. C̄in n̄ig ḡil rek abramek gen̄igab̄in ak, tap si tap t̄imel ḡin̄igab̄in.

15

Bin b̄i ognap m̄id tep ḡin̄imel rek ar ak nep gos n̄iŋin

¹ C̄in bin b̄i Kraiſ nop n̄iŋ d̄i kilis ḡi m̄idob̄in okok, c̄inop ke tep ḡin̄igab ar ak n̄iŋil ma ḡin.

² Bin b̄i Kraiſ nop n̄iŋ d̄i kilis ma ḡipal okok, nop

nɪŋ dɪ kɪlɪs ɡɪnɪmel, aɡɪl, gos ar ak nɪŋɪl ɡɪjɪn. Cɪn ke tep ɡɪnɪɡab ak tap kɪb mer; pen bin bɪ ognap, Kraiss nɔp nɪŋ dɪ kɪlɪs ɡɪnɪɡal aka nɔp nɪŋ dɪ kɪlɪs ma ɡɪnɪɡal ak tap kɪb. ³ Kraiss ak rek nep, ke tep gak ar ak ma gak. Kraiss ne Nap nɔp mɪnɪm agak ognap, Depid ne God Mɪnɪm dai alap ñu kɪl tɪkɪl agak, “Nep ag jupal ak mɪñi yɪp ak rek nep ag juebal,” agak. ⁴ Kɪri nɪŋ tep ɡɪnɪmel, aɡɪl, God ne gek nɪŋɪl bɪ ned nɪb okok God Mɪnɪm ak ñu kɪl tɪklak. Cɪn God Mɪnɪm nɪbak udɪn lɪ nɪŋɪl, mɪnɪm tep nɪbak nɪŋ dɪl, Jisas Kraiss nɪŋ dɪ kɪlɪs ɡɪl, kɪlɪs ɡɪl ɡɪ tep ɡɪl, kapkap mɪñ mɪñ ɡɪlɪɡ ɡɪ gos sek mɪdenɪɡabɪn. Ar nɪbak nep God ne gek, God Mɪnɪm nɪbak ñu kɪl tɪklak. ⁵ God ne gek, nɪbi Jisas Kraiss nɪŋ dɪ kɪlɪs ɡɪl, kɪlɪs ɡɪl ɡɪ tep ɡɪl, kapkap mɪñ mɪñ ɡɪlɪɡ ɡɪ gos sek mɪdenɪɡabɪm. Pen Kraiss Jisas gak rek nɪŋɪl nɪbak rek ɡɪn, aɡɪl, nɔp nɪɡ ɡɪl kɪsen ɡɪl, God ne gek, nɪbi gos ar nokɪm nɪŋɪl jɪm ñɪl mɪdɪl, ɡɪnɪmɪb. ⁶ Nɪbi nɪɡ ɡɪl, gos nokɪm nep, meg mɪɡan nokɪm adɪp adɪp ak nep, Bɪ Kɪb cɪn Jisas Kraiss Nap yɪb ne ak aɡem ar amnɪmɪŋ.

God Isrel bin bɪ mer okok kɪrop ak rek nep yɪmɪɡ nɪŋɪp

⁷ Gos nɪŋ tep ma ɡɪpek ñɪn ak, Kraiss nɪbep yɪmɪɡ nɪŋɪl dɪ tep gek, bin bɪ ne mɪdebɪm ak, nɪbi ke kapkap pen pen yɪmɪɡ nɪŋɪl, dɪ tep ɡɪl, mɪdmagɪl lɪlɪɡ ɡɪ mɪdem, bin bɪ ognap nɪŋɪl God yɪb ne aɡel ar amnɪɡab. ⁸ God bɪrarɪk nep Juda kai nɪsed acɪk kɪri okok kɪrop mɪnɪm kɪlɪs nɪŋɪd agak ak, agak rek nep ɡɪnɪɡab ak nɪŋnɪmel, aɡɪl, Kraiss ne Juda kai kɪrop nen aɡɪl owak. ⁹ Nɪb ak, Juda bin bɪ mer okok, God ne cɪnɔp yɪmɪɡ yɪb

ninip, agil, yib nop agel ar amnan, agil, Krais owak. Krais ned Nap God nop minim agak rek, Depid God Minim dai ognap nu kil tikil agak,
 “Nibi ak, yad Juda bin bi mer nab okok midil, kimep agil, yib nak ak agen ar amnigab,’ agip,” agak.

10 Minim alap Mosis God Minim dai alap nu kil tikil agak,

“Nibi Juda bin bi mer okok, God bin bi ne eip pak jim nil, min min ginimb,” agak.

11 Pen minim alap Depid God Minim dai alap nu kil tikil agak,

“Nibi Juda bin bi mer okok magilsek Bi Kib yib ne agem ar amnan.

Nibi bin bi karip lim ke tigon tigon magilsek kimep aglig gi, yib nop agem ar i oklan amnan,” agak.

12 Pen Aisaia ak rek nep God Minim dai alap nu kil tikil agak,

“Bi Jesi tikek tik damil tik donigal bi alap apil, bin bi karip lim ke ke midebal okok magilsek kod midenigab.

Juda bin bi mer okok, Bi nibak nep gos ninil, gos sek midenigal,” agak.

13 God ne gak ak ninil, gos sek midobin. God gek, nibi nop nin di kilis gil, min min gilig gi, kapkap cibur sain sain gilig gi midenimb. Nig gilig gi midem, Kaun Sin ne kilis sek gos timid midmagil nab nibep adan apil gek, nibi gos sek nep midenigabim.

Pol tari ginig minim kilis agil mij nu kil tikak?

14 Pen ai mam sɨkop. Gos yad nɨnebin nɨbi bin bɨ tep yɨb; nag ar tari gem God nop tep gɨnɨgab ak nɨɨ tep gɨpɨm; nɨbi ai mam nɨbi okok God Mɨnɨm tep ak pen pen ag ñɨ tep gɨnɨmɨb rek lɨp. 15 Pen nɨbep mɨj ñu kɨl tɨkebin nɨbaul, mɨnɨm kɨlɨs rek ognap agebin. God yɨp yɨmɨg nɨɨɨl, dɨ tep gɨl, wög gep bɨ ne ag lak ak me, yad nɨbep mɨnɨm kɨlɨs nɨbak, kauyaɨ agen nɨɨ tep gɨm, agɨl agebin. 16 God yɨp ag lek, yad Krajs Jisas wög gep bɨ ne mɨdɨl, Juda bin bɨ mer okok kɨrop gɨ ñɨl, God mɨnɨm tep ak kɨrop ag ñɨbin. Yad God mɨnɨm tep ag ñɨbin ak, yad God nop tap sobok gep bɨ rek mɨdɨl, mɨnɨm tep ne ag ñɨbin. Nɨg gen, Juda bin bɨ mer okok, God nop tap sobok gɨ ñɨbal tap tep yɨb tap ma gɨp rek lel, God nop tep gɨnɨgab. Kaun Sɨɨ ne gek, kɨri bin bɨ ke komɨɨ tep rek lel, God kɨrop mɨñ mɨñ gɨl dɨnɨgab.

17 Krajs Jisas eip jɨm ñɨl mɨdebin ak me, yɨp tep gek nɨɨlɨg gɨ, God nop wög gɨlɨg gɨ mɨdebin. 18-19 Krajs gek yad nop wög gɨl, yad wög tari tari gɨpin ak nep agnɨgain. Yad Juda bin bɨ mer okok kɨrop Krajs mɨnɨm tep ak ag ñɨ ajenek nɨɨlɨg gɨ, Kaun tap ma gep rek ognap gek nɨɨlɨg gɨ, Juda bin bɨ mer okok nɨɨɨl, God mɨnɨm ak dɨpal. Yad karɨp lɨm Jerusalem wagaɨn gɨl, Krajs mɨnɨm tep ak magɨlsek yɨpɨd gɨl nep kanɨb par yɨb ag ñɨ tep gɨ dam dam karɨp lɨm Ilirikam amɨl, adɨk gɨ onek. 20 Gos yad per nɨpin ak, bin bɨ Krajs mɨnɨm ne ned ma nɨpal karɨp lɨm okok nep amɨl ag ñɨnɨm, agɨl gos nɨpin. Bɨ Krajs mɨnɨm ag ñeb ognap ned amɨl sap bɨr pɨɨɨl gɨpal ar ak karɨp gɨnɨm, agɨl ma gos nɨpin. 21 Aisaia ne God Mɨnɨm dai alap ñu kɨl tɨkɨl

agak,

“Kirop m+n+m tep ne ma ag ñibal
pen kiri n+n+gal.

Bin b+ m+n+m tep ne peyig ma n+pal okok,
kiri n+n+l n+n tep g+n+gal,” agak.

Pol taun k+ib Rom amnin, agak

²²⁻²³ N+ib ak, m+ konjai y+ib nep, kar+ip l+m s+n aul ag ñ+ aj aj, taun k+ib n+bi Rom amn+m agö+ig+pin ak pen n+n+m rek ma lak. Pen m+ñi kar+ip l+m t+igon s+n aul wög g+n+m rek ma lip n+n+l yad n+ibep n+n+g n+n+gain. ²⁴ Yokop ulep m+deb, kar+ip l+m Spen amn+g gebin. Gos yad n+pin ak, am n+ibep eip sikol mag+l alap k+n m+den tep gek n+n+l+g g+, k+sen n+bi y+ip dam Spen kan+ib tam ak yokn+m+ib, ag gos n+n+bin. ²⁵⁻²⁶ Pen Masedonia Propins bin b+ abe, Akaia Propins bin b+ abe, Jerusalem bin b+ Krai p+s ken m+di+l mani tap kiri ma m+deb okok, k+rop mani tap kiri okok abramek ñ+bal ak, m+ñi k+rop n+n+m, ag+l n+n+gain. ²⁷ Gos kiri ke n+n+l g+pal n+bak, g+ tep g+pal. Juda bin b+ Krai m+n+m tep ak dam, Juda bin b+ mer okok k+rop ag ñ+bal rek, God mani tap k+rop ñ+ib okok ognap Juda bin b+ k+rop pen n+n+gal ak tep.

²⁸ Pen mani y+ip ñ+bal n+bak mag+lsek dam Jerusalem b+ okok ñ+l, Spen kan+ib ak am+l, n+bi m+deb+m s+n+ak n+n+gain. ²⁹ N+n n+bak ap+l n+ibep eip k+n m+den, Krai gos tep ne c+nop ñek, n+bi nop n+n d+ c+c+ l+l m+n m+n y+ib g+n+gab+m.

³⁰ Ai mam yad okok. B+ K+ib Jisas Krai p+s ar m+deb+m ak, God Kaun nab n+ibep adan m+di+l n+ibep m+dmag+l lep mag+l ak ñ+ib rek,

yip ag gos niñil, God nop sobok gilig gi nep midenimib. ³¹ God nop sobok gilig gi midenimib, yad Jerusalem amnig gil, kariþ lim Judia amen, Judia bin bi Kraiss nop ma niñ dipal okok yip gi timel genimel, God ne yip di komiñ yoknimin. Pen God nop sobok gilig gi midenimib, yad Jerusalem amjakil, Kraiss bin bi ne okok kirop tap tari tari gi ñinigain ak gen, kirop tep gek niñlig gi, eip jim ñil midojin. ³² Niþ ak, God yip yau agonimin, niþi midebim siñak amil, won alap kin miden tep gek niñlig gi, niþep eip midenigain.

³³ God niþep magilsek kod midek niñlig gi, kapkap jim ñil midil mid tep ginimib. Niþ akniþ rek tep.

16

Pol, “Niþi midebim?” agak

¹ Pen ai cin Pibi, Senkria taun siñak cöc wög gip bin ak, neb. Ne bin tep yib. Niþi midebim siñak amjakek, nop di tep ginimib. ² Yip tep ginigab ak, ne midebim siñak amjakek, niþi Bi Kib niñ dipim rek, Bi Kib bin bi ne pen pen di tep gipal ak rek, nop di tep ginimib. Nop tap ognap ma midonimin, abramek ñinimib. Ne bin bi okok konai nep kirop di tep gil, yip abe di tep gil gip.

³ Pen bin Prisila abe, nigmil Akwila abe, Kraiss nop wög jim ñil goligipin ber mal kirop agnimib, “Pol niþep ber mal, ‘Midebir?’ agip,” agnimib. ⁴ Ned yip ñag pak linig gelak, ber tep yad omal midil, yip di kasin girek. Pen cirop ke ñag pak

linimel, agil gos ak ma niñil, nig ger, yip tep gil, Juda bin bi mer karip lim ke par okok ag ñen Krai Jisas niñ dipal okok kirop abe tep gip.

⁵ Pen bin bi Krai Jisas niñ dipal karip kirop ber ak apil mogim gipal okok kirop ak rek nep agnimib, “Pol nibep, ‘Midelim?’ agip,” agnimib.

Mam midmagil yad Epinitas nop agnimib, “Pol nep, ‘Midelan?’ agip,” agnimib. Esia Propins siñak, Krai nop ned dak bi me nibak.

⁶ Bin Maria nibep kilis yib gil wög gi ñoligip ak nop agnimib, “Pol nep, ‘Midelan?’ agip,” agnimib.

⁷ Pen bi tidig yad niñeb rek, Adronaikas abe, Junias abe, kirop mal agnimib, “Pol nirep mal, ‘Midelir?’ agip,” agnimib. Kiri mal Krai nop ned niñ direk, yad kisen niñ dinek. Yip miñ lilak rek, kirop mal ak rek nep miñ lel, jim ñil midoligipin. Pen bi Jisas minim dad ameb okok, bi nib omal kirop niñ tep yib gipal.

⁸ Mam midmagil yad Amplietas, Krai nop cig tep gip bi nibak, nop agnimib, “Pol nep, ‘Midelan?’ agip,” agnimib.

⁹ Mam Urbanis nop agnimib, “Pol nep, ‘Midelan?’ agip,” agnimib. Mam nibak yad eip Krai nop wög jim ñil goligipir. Mam tep Stakis nop ak rek nep agnimib, “Pol nep, ‘Midelan?’ agip,” agnimib.

- 10 Apeles, miker apek, Krais nop niᅇ di wös gił m+đ tep g+ᅇ b+ ak, nop agni+m+ᅇ, “Pol nep, ‘M+deban?’ ag+ᅇ,” agni+m+ᅇ.
Bin b+ Aristobyulas kar+ᅇ k+n m+debal okok k+rop agni+m+ᅇ, “Pol niᅇbep, ‘M+debi+m?’ ag+ᅇ,” agni+m+ᅇ.
- 11 B+ tiᅇgiᅇ yad niᅇᅇb Herodion nop agni+m+ᅇ, “Pol nep, ‘M+deban?’ ag+ᅇ,” agni+m+ᅇ.
Bin b+ Nasisas kar+ᅇ ak k+n m+đ+ł, B+ K+ᅇ niᅇ diᅇpal okok k+rop agni+m+ᅇ, “Pol niᅇbep, ‘M+debi+m?’ ag+ᅇ,” agni+m+ᅇ.
- 12 Bin Traipina abe Traiposa abe, B+ K+ᅇ nop niᅇ diᅇlig gi, nop wög g+ᅇpir bin niᅇ omal k+rop agni+m+ᅇ, “Pol niᅇrep mal, ‘M+debir?’ ag+ᅇ,” agni+m+ᅇ.
Ai tep yad Persis, B+ K+ᅇ nop niᅇ diᅇlig gi, nop wög kiłis g+ᅇ bin niᅇbak nop ak rek nep, “Pol nep, ‘M+deban?’ ag+ᅇ,” agni+m+ᅇ.
- 13 B+ Rupas, Krais nop wög kiłis gił g+ᅇ ak, nop agni+m+ᅇ, “Pol nep, ‘M+deban?’ ag+ᅇ,” agni+m+ᅇ. Non+iᅇ ne ak, ami yad rek liᅇ ak, nop ak rek nep agni+m+ᅇ, “Pol nep, ‘M+deban?’ ag+ᅇ,” agni+m+ᅇ.
- 14 Asinkritas, Pligon, Hermes, Patrobas, Hermas, niᅇmam siᅇkop k+ri eip m+debal okok abe k+rop mag+iᅇsek, “Pol niᅇbep, ‘M+debi+m?’ ag+ᅇ,” agni+m+ᅇ.
- 15 Pilologas, Julia, Nereus, Nereus niᅇnai ne Olimp+as, Krais bin b+ ne k+ri eip m+debal okok mag+iᅇsek, “Pol niᅇbep, ‘M+debi+m?’ ag+ᅇ,” agni+m+ᅇ.
- 16 Niᅇbi B+ K+ᅇ nop niᅇ diᅇpiᅇm rek, pen pen ag wasu diᅇlig gi, miᅇkem bom siᅇlokn+iᅇᅇ.

Krais bin bi ne siŋ aul, Krais nop sobok giŋig cöc ke ke mogim giŋpal okok niŋbep, “Miŋdebim?” agebal.

Miŋim esek agebal okok ma diŋimib

¹⁷ Ai mam tep yad okok, niŋ tep giŋimib. Bin bi ognap miŋim okok niŋ okok niŋ dapil, bin bi Krais piŋ ar miŋdebal okok kirop ag ñel ñel, gos tep ned niŋlak ar ak kiŋig giŋ, miŋim esek apal niŋbak diŋ, asiŋ ke ke liŋpal. Niŋbep niŋ akniŋ rek nep giŋimib rek liŋ ak, miŋim esek agenimel ak ma diŋimib. ¹⁸ Bin bi niŋ giŋpal okok, Bi Kiŋ cŋn Krais nop wög ak giŋ, agiŋ gos ak niŋil, ma giŋpal; kirop ke tep giŋ ar ak nep gos niŋil, giŋpal. Kiŋi miŋim sain sain rek, bin bi yiŋb dap raneb miŋim ak nep agliŋ agliŋ giŋ midel niŋliŋ giŋ, bin bi niŋ tep ma giŋpal okok miŋim esek kiŋi niŋ diŋ siŋdol giŋpal.

¹⁹ Niŋbi pen God miŋim tep ak diŋ tep giŋ, ageb rek giŋim, bin bi okok magiŋsek niŋpal ak, yiŋ tep yiŋb giŋp. Tap tari God uŋin yiŋiŋ ne tep giŋimib ak, niŋbi bin bi gos niŋeb rek miŋdiŋ, tap tari God uŋin yiŋiŋ ne tap si tap timel rek miŋdonimib ak, niŋbi bin bi gos saköl rek miŋdenimib ak, yiŋ tep giŋigab.

²⁰ Maŋ miŋdeb, God bin bi kod miŋ tep giŋp ak, ne Seten nop diŋ talak mok niŋbep okok lek, kiŋis ne ma miŋdenigab.

Yad God nop sobok gebin, Bi Kiŋ cŋn Jisas niŋbep yiŋimig niŋil diŋ tep gek niŋliŋ giŋ, niŋbi miŋ tep giŋimib.

²¹ Bi yad eip wög jim ñil giŋpiŋ, Timoti, niŋbep ageb, “Miŋdebim?” ageb. Bi tiŋdig niŋeb yad

okok Lusias, Jeson, Sosipata ak rek nep n̄ibep, “M̄ideb̄im?” agebal.

²² Pen yad b̄i Tetias, Pol agek m̄ij ñu k̄il t̄ikebin aul, ak rek nep n̄ibi Rom kai Kraiſ p̄is ar m̄ideb̄im okok n̄ibep, “M̄ideb̄im?” agebin.

²³ B̄i Gaias, ȳip Pol dam kar̄ip ne ak l̄il, kod m̄id tep ḡip ak, n̄ibep, “M̄ideb̄im?” ageb. B̄i n̄ibak nep Kraiſ p̄is ar m̄idebal bin b̄i okok agek kar̄ip ne ak am̄il moḡim ḡipal, k̄irop d̄i tep ḡil m̄ideb.

Pen b̄i kuskus pe ñeb Erastas abe, mam c̄in Kwotas abe, ak rek nep n̄ibep, “M̄ideb̄im?” agebir.

²⁴ Yad God nop sobok gebin, B̄i K̄ib c̄in Jisas Kraiſ n̄ibep maḡilsek ȳim̄ig n̄iñ̄il d̄i tep gek n̄iñ̄lig ḡi, n̄ibi m̄id tep ḡin̄im̄ib. N̄ib akn̄ib rek tep!

²⁵⁻²⁶ Pen God ȳib ne agon ar amnan̄. Ne nep me n̄ibep kod m̄idek n̄iñ̄lig ḡi, nop c̄ig tep ḡil m̄iden̄im̄ib rek lip. Jisas m̄in̄im tep n̄ibak ned we ḡil m̄idoliḡip ak pen m̄iñ̄i, b̄i God m̄in̄im agep okok God M̄in̄im ñu k̄il t̄iklak waḡin ak m̄iseñ lek, yad m̄in̄im tep n̄ibak bin b̄i okok k̄irop per ag ñ̄ibin. God nep agek me, bin b̄i kar̄ip l̄im ke t̄igon̄ t̄igon̄ maḡilsek ag ñon, nop n̄iñ̄ d̄il ageb rek ḡin̄imel.

²⁷ God nok̄im gos tep gos k̄il̄is ḡil n̄iñ̄ip ak, Jisas Kraiſ nop c̄inop nen aḡil ag yokek owak rek, ȳib ne per nep per nep agon ar amnan̄. N̄ib akn̄ib rek tep.

MINIM KOMIN
The New Testament in the Minimib dialect of the
Kalam language of Papua New Guinea
Nupela Testamen long tokples Minimib long Niugini
copyright © 2008 Wycliffe Bible Translators, Inc.

Language: Minimib (Minimib dialect of Kalam)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 11 Nov 2022 from source files dated 9 Oct 2020
c3b0a7e5-6c23-5e97-9419-62054c911996